

Dato: 26. januar 2021
Kontor: Nordatlantenheden
Sagsbeh: Malene Lynggaard
Sagsnr.: 2017-490-0004
Dok.: 943782

MISSINGIUT

uunga

Kingornussisarneq pillugu inatsisip Kalaallit Nunaannut atuutis- nneqalernissaa pillugu peqqussut

UAGUT MARGRETHE AAPPAAT, Guutip saammaassineratigut Dan-
markip Dronningia, uppersarparput:

Inatsit nr. 515, 6. juni 2007-imeersumi (kingornussisarneq pillugu inatsimmi) § 105ⁱ, eqqartuussisarneq pillugu inatsip, eqqartuussivimmu akitsuutit pillugit inatsisip kiisalu kingornussisarneq pillugu inatsisip (Eqqartuussivikkut isumaqatigiissitsiniaaneq il.il.) allanngortinneqarnissaat pillugu inatsit nr. 168, 12. marts 2008-meersumi § 5ⁱⁱ, toqkukut qimagunnermi pigisat agguanneqartarnerat pillugu inatsisip aamma inatsisit allat assigiinngitsut (Toqkukut qimagunnermi pigisat agguanneqartarnerat pillugu inatsisip ilu-arsartuuteqqinnera il.il.) allanngortinneqarnissaat pillugu inatsit nr. 221, 21. marts 2011-meersumumi § 16, imm. 2ⁱⁱⁱ, meeqqat pillugit inatsisip, meeravissartaarneq pillugu inatsisip, eqqartuussisarneq pillugu inatsisip inatsisillu allat assigiinngitsut (Anaanaaqatigiinneq il.il.) allanngortinneqarnissaat pillugu inatsit nr. 652, 12. juni 2013-imeersumi § 10, imm. 2^{iv}, Udbetaling Danmark pillugu inatsisip aamma inatsisit allat assigiinngitsut (Statens Administration Finansservicecenerimit il.il. suliassanik Udbetaling Danmarkimut nuussineq il.il.) allanngortinneqarnissaat pillugu inatsit nr. 628, 8. juni 2016-imeersumi § 56, imm. 2^v, naapertorlugit aalajangersarneqarpoq inatsit Kalaallit Nunaannut atuutissasoq imatut oqaasertalerneqarluni:

Kapitali 1

Ilaquttat kingornussisinnaatitaanerat

Inatsit malillugu kingornussineq

§ 1. Kingornussassanik qimataqartut ilaquuttatut qaninnerpaamik kingornussisussai tassaapput taassuma meerai. Meeqqat naligiissumik kingornussissapput.

Imm. 2. Meeraq ataaseq toqusimappat, taassuma meerai pineqartup inissisimaffianut inississapput, akornaminnilu naligiissumik kingornussillutik. Assigisaanik periuseqarluni inuunerminni kingornussisinnaatitaasut ungasinnerusumik ilaquutaasut kingornussissapput.

§ 2. Kingornussassanik qimataqartoq meeqqanik imaluunniit inuunerminni kingornussisinnaatitaasunik qimataqanngippat, kingornussassanik qimataqartup angajoqqaavi kingornussissapput. Angajoqqaat tamarmik affarmik kingornussissapput.

Imm. 2. Angajoqqaat arlaat toqukkut qimagussimappat, taassuma meerai pineqartup inissisimaffianut inississapput, akornaminnilu naligiissumik kingornussillutik. Assigisaanik periuseqarluni inuunerminni kingornussisinnaatitaasut ungasinnerusumik ilaquutaasut kingornussissapput. Angajoqqaat aappaata tungaanit inuunerminni kingornussisussaqaanngippat, angajoqqaat aappaa imaluunniit taassuma inuunerminni kingornussisussai kisimik kingornussisuussapput.

§ 3. § 1 imaluunniit § 2 malillugit kingornussisussaqaanngippat, kingornussassanik qimataqartup aanaakkui ataakkuilu kingornussissapput. Kingornussassat affai angajoqqaat aappaatigut aanaamut ataamullu tunniunneqassapput, affaalu angajoqqaat aappaatigut anaamut ataataamullu tunniunneqassallutik.

Imm. 2. Aanaap aataalluunniit arlaat ataaseq toqukkut qimagussimappat, taassuma meerai, ungasinnerusukkulli inuunermi kingornussisussat pinnaatik taassuma inaanut inississapput.

Imm. 3. Angajoqqaat kingornussisussaasa iluminni akornanni kingornussassat § 2-i aalajangersarneqarsimasutut agguanneqassapput. Angajoqqaat aappaannaata tungaanit kingornussisussaqaqpat, taakkua kisimiillutik kingornussisuussapput.

§ 4. Meeravissiartaarisimasaq taassumalu inuunermi kingornussisussai kingornussissapput meeravissiartaartumillu taasumalu ilaqutaanit, meeravissiartaartup inuunermi kingornussisussaasa sinneri assigalugit kingornunneqassallutik, meeravissiartaarnermi inatsisini maleruagassat malitsigisaannik aallatut aalajangiisoqarsimanngippat.

Inuunermi kingornussisussat pinngitsaaliissummik kingirnussassai

§ 5. Inuunermi kingornussisussap kingornussatut pisassaasa sisamararterutai pingitsaaliissummik kingornussaapput.

Imm. 2. Kingornussisutsisup kingornussassialiornermigut meeqqaminut ataasiakkaanut tamanut kingornussassat 1.000.000 kr.-it nalinganut killilersinnaavai. Meeraq ataaseq toqukkut qimagussimappat, meeqqap taassuma inuunermi kingornussisussaasa kingornussassaat pissanut, inuunermi kingornussisussaasa aningaasatigut pissaasa amerlaqataannut killilerneqassapput, tak. § 1. imm. 2, kingornussassialiami allamik allassimasoqanngippat. Inuunermi kingornussisussanut ungasinnerusumiittunut assigisaa atuuppoq. Aningaasanut killiliusaaq § 97 malillugu naleqqussarneqassaaq.

Nalilersuinerup kingorna tigusineq

§ 6. Kingornussisussat kingornussassamik nalinginut pigisat naliliutaanik nalilersuinermi akigitat malillugit tigusisinnaapput.

Imm. 2. Kingornussisussat arlallit naliliummik taannaannaasumik tiguserusuppata, kiap taassuminnga pinissaa makitsinikkut aalajangerneqassaaq. Taamaattoq kingornussisussamut naliliummik pineqartumut eqqaamasatigut immikkut naleqartitaappat, kingornussisussaaq salliutitaassaaq.

Imm. 3. Katissimasap § 11, imm. 1, aamma §§ 12-14 malillugit pisinnaati-taaffii ataqqineqassapput.

§ 7. Kingornussisussaaq ataaseq naliliummik pigisat piginneqatigalugit piginnittuuppat, naak taassuma nalinga kingornussassanit naleqarnerugaluartoq, naliliutip pigisanit pisassartaa tigussallugu salliutinneqassaaq, akertilianilli aningaasat sinneruttut pigisanut aningaasangorlugit akilerlugit. Naliliutinulli § 11, imm. 1-imut ilaasunut aamma ataatsimoorussamik piginnittuulluni naliliutinut § 91, imm. 2-mi taaneqartunut, katissimasap § 12 malillugu tigorosutaanut salliutitaaneq atuutinngilaq.

Imm. 2. Kingornussisussaaq pigisat katissimasarlu piginnittoqatigalugit naliliutit ilaannut piginnittuuppat, katissimasaq salliutinneqassaaq. Taamaattoq naliliutit pigisani tamakkiisumik immikkut ittumik pigisaappata, katissimasuni siulliulluni toqukkut qimaguttup inuunermi immikkut ittumik kingornussisussaaq salliutinneqartussaavoq, naliliutit pineqartumut immikkut ittumik eqqaamasassatut naleqartitaappat, naliliutit § 11, imm. 1-imut ilaangippata, imaluunniit katissisut maannamut ataatsimoorussamik inigisimasaannut ilanngippata.

Imm. 3. Kingornussisussat arlallit imm. 1 malillugu pisinnaatitaaffik atuutsinniarpassuk, naliliutini pigisat ilaannik tigusinissamut kiap pisinnaatitaaffeqarnissaa makitsinikkut aalajangerneqassaaq.

§ 8. Naliliutitut kingornussassaqtitsisup kingorussassaliakkut atoreersimasaannut §§ 6 aamma 7 atorneqaassanngillat. Piginneqatigiinnissamik isumaqatigiisummi il.il. allatut isumaqatigiissuteqartoqarsimatillugu § 7 atorneqassanngilaq.

Kapitali 2

Katissimasap kingornussinissamut pisinnaatitaaffia

Inatsit malillugu kingornussineq

§ 9. Kingornussassaqtitsisoq inuunermini kingornussisussanik qimataqarsimappat, kingornussassaqtitsisup katissimasaa kingornussassaqtitsisup pigisaasa affaanik kingornussaqaassaaq.

Imm. 2. Kingornussassaqtitsisoq inuunermini kingornussisussanik qimataqanngippat, katissimasaa kisimi kingornussisuussaaq.

Katissimasap pinngitsaaliisummik kingornussassai

§ 10. Katissimasap kingornussassaataasa sisamararterutai pinngitsaaliisummik kingornussassaapput.

§ 11. Katissimasap siviunerusumik inuusoq pigisanik siumoortumik tigusinnaavoq, imaappat

1) pineqartup inuttut nammineq atugassaanut iluaqutaappat, nalingalu katissimasat pisuussutitigut atugaannut nalinga atsikkutigiinngitsumik naleqanngippat, imaluunniit

2) meeqqanut ukiukinnerusunut atugassianngorlugu pissarsiarineqarsimappat.

Imm. 2. Aammattaaq katissimasap inuunertunerusoq pigisanit ima anner-tutigisumik tigusaqarsinnaavoq, taakkua nalingat inuunertunerusup pigisaasa kingornussassaasalu kiisalu immikkut ittumik nammineq pigisaasa katinnerat 600.000 kr.-t tikillugit naleqassalluni. Aningaasanut killiliussaq § 97 malillugu nalimmassarneqartassaaq.

Imm. 3. Imm. 2 malillugu naatsorsuinermini pilersuisumik annaasaqarnermut taarsiissutit, inuunermut sillimmasiinerit kiisalu soraarnerussutisianut akiliutit akiliutillu assigisaat toqusoqarnerani katissimasamut inuunertunerusumut tunniunneqartussat ilaapput. Inuunertunerusup pisinnaatitaaffiisa

sinneri, allamut tunniunneqarsinnaanngitsut imaluunniit inummut namminermut tunngasuusut, taamaallaat ilanngullugit naatsorsorneqassapput pisinnaatitaaffiit taakku ataatsimoorussamik pigisaasimappata, katissimasap inuunertunerusoq inuugallartillugu kingornussassanik agguaassinnermi naligiissumik agguaassinnermut ilaasussaappata.

Imm. 4. Katissimasap siulliulluni toqusup inuunermi immikkut ittumik kingornussisussaata imm. 2 apeqqutaatinnagu naliliut pineqartumut eqqaamasatigut immikkut ittumik naleqarpat, aamma naliliut § 11, imm. 1-imut ilaangippat, imaluunniit § 91, imm. 2-imi taaneqartunut ataatsimoorussamik pigisatut naliliutaangippat, tigusinnaavaa, naliliutip nalilersuinnermi akia pigisanut aningaasatigut akilerlugu.

Nalilersuinnerup kingorna tigusineq

Ataatsimoorussamik pigisat

§ 12. Katissimasap inuunertunerusup pigisami kingornussassamilu ilaasut naliliutit toqusup pigisaalu ataatsimoorussamik pigisaasut naliliutip nalilersuinnermi akii malillugit tigusinnaavai.

Imm. 2. Katissimasap kingornussisussallu ataatsimip naliliut taannaasoq tigorussuppassuk, katissimasapq salliutinneqassaaq. Inuunermili immikkut ittumik kingornussisussaq naliliummik tuginissamut salliutinneqarnissamut pisinnaatitaaffeqarpoq, naliliut pineqartumut eqqaamasatigut immikkut ittumik naleqarpat, naliliulli § 11, imm. 1-imut ilaangippat, imaluunniit § 91, imm. 2-mi taaneqartutut ataatsimoorussamik naliliutit pigisaangippat.

Imm. 3. Naliliutip katissimasap inuunertunerusup tigorussutaata nalinga pigisat kingornussassallu nalingannit annertuneruppat, katissimasap naliliut tigusinnaavaa, aningaasat annertunerussutaat pigisanut aningaasangorlugu akilerlugu.

Tamakkiisumik immikkut ittumik pigisat

§ 13. Toqukkut qimaguttup tamakkiisumik immikkut nammineq pigisaanit katissimasap inuunertunerusup immikkut nammineq pigisanit naliliutit nalilersorneqarnerisut naleqartillugit kingornussassaminut ilanngullugit tigusinnaavai.

Imm. 2. Katissimasap kingornussisussallu ataatsip naliliut taannaasoq tigorussuppassuk, katissimasapq salliutinneqassaaq. Inuunermili immikkut ittumik kingornussisussaq naliliummik tuginissamut salliutinneqarnissamut

pisinnaatitaaffeqarpoq, naliliut pineqartumut eqqaamasatigut immikkut itumik naleqarpat, naliliulli § 11, imm. 1-imut ilaangippat, imaluunniit katissimasut maannamut ataatsimoorussamik inigisaanneersuunnigippat.

Imm. 3. Naliliutip katissimasap inuunertunerusup tigorosutaata nalinga pigisat kingornussassallu nalingannit annertuneruppat, katissimasap naliliut tigusinnaavaa, aningaasat annertunerussutaat pigisanut aningaasanngorlugu akilerlugu.

Kingornussassaliakkut il. il. avaqutsineq

§ 14. Naliliutitut kingornussisutsisup kingornussassaliakkut atoreersimasaanut §§ 12 aamma 13 atorneqassanngillat, tak. §§ 90 aamma 91, imaluunniit naliliummik katissimasaq pigisat piginnittoqatigalugit piginnittuusoq pillugit piginnitoqatigiinnermik isumaqatigiisummi il.il. allatut aalajangiisoqarsimappat.

Kapitali 3

Katissimasamit inuunertunerusumit ningaanut kingornussassat

§ 15. Katissimasaq inuunertunerusoq katissimasaminit inuunikinnerusumit § 9, imm. 2 malillugu ilanngullugu kingornussassaliaq malillugu kingornussereernermi kingorna toqukkut qimaguppat, pigisat katissimasut tamarmik illugiillutik ilaqtatut kingornussisussaanut marluusunut avilugit agguanneqassapput, katissimasaq inuunertunerusoq imatut iliorsimangippat

1) nutaamik kateqqissimalluni,

2) katissimasap inuunikinnerusup toqukkut qimagunnerata kingorna inooqatigisimasaminit § 87 malillugu kingornussassaliaq pilersinneqartoq malillugu kingornussaqaarsimappat,

3) inooqamminik kingornussassaliaq § 87 malillugu pilersinneqartoq malillugu kingornussinissamut pisinnaatitaaffeqartumik qimataqarpat, imaluunniit

4) inuunermini kingornussisussanik qimataqarpat.

Imm. 2. Katissimasap inuunertunerusup toqukkut qimagunnerani taamaallaat katissimasap aappaata ilaqaatani kingornussisussaqarpat, taakku sunik tamanik kingornussisapput.

Imm. 3. Katissimasut aappaata kingornutassiornermigut aalajangiqaarsimappat, pigisat kingornutassiakkut aalajangigaanngitsut imm. 1 aamma 2 malillugit agguanneqassapput, kingornutassiap malitsigisaanik allatut iliortoqarsinnaanngippat.

Imm. 4. Katissimasap inuunertunerusup kingornutassiormigut pigisani-
nik tamanik atuisinnaaneranut imm. 1-3 aporfuungillat.

§ 16. Katissimasap inuunertunerusoq § 11, imm. 2 malillugu pisinnaati-
taaffimminik atuereerluni toqukkut qimaguppat, pigisat imm. 2-6 malilluit
pigisat agguanneqassapput, katissimasap inuunertunerusoq imatut iliorsi-
mannigippat

1) nutaamik kateqqissimappat,

2) katissimasap inuunikinnerusup toqukkut qimagunnerata kingorna
inooqatigisimasaminit § 87 malillugu kingornussassaliaq pilersinneqartoq
malillugu kingornussaqsamappat, imaluunniit

3) kingornussassaliaq § 87 malillugu pilersinneqartoq malillugu inooqatigi-
samik kingornissinissamut pisinnaatitaaffeqartumik qimataqsamappat.

Imm. 2. Katissimasut marluusut tamarmik inuunerminni kingornussisus-
saqarpata, katissimasut tamarmik maluullutik inuunerminni kingornussisus-
saannut pigisat marlunnut naligiissumik avinneqassapput. Katissimasamut
inuunertunerusumut taamaallaat inuunermi kingornussisussaqsarpat, taakku
kisimiillutik kingornussisuussapput.

Imm. 3. Katissimasap siulliulluni toqukkut qimaguttoq kisimi inuunermi
kingornussisussaqsarpat, pigisat affai siulliulluni toqukkut qimaguttup inu-
nermini kingornussisussaanut tunniunneqassapput, affaalu inuunertune-
rusup ilaqtattat kingornussisussaanut tunniunneqarlutik. Inuunertunerusoq
ilaquttanik kingornussisussaqsamngippat, siulliulluni toqukkut qimaguttup
inuunermi kingornussisussai kisimik kingornussissapput.

Imm. 4. Katissimasut arlaannaalluunniit inuunerminni kingornussisus-
saqsamngippata, pigisat katissimasut tamarmik immikkut marluullutik ilaqtat-
tat kingornussisussaanut naligiimmik avinneqassapput. Katissimasut aap-
paanaa ilaqtanik kingornussisussaqsarpat, taakku tamanik kingornus-
sisuussapput.

Imm. 5. Katissimasut aappaa kingornutassiormigut aalajangi-
gaqsamngippat, pigisat ilaat kingornutassiakkut aalajangiivigineqsamngi-
gitsut imm. 2-4 malillugit agguanneqassapput, kingornutassap malitsi-
gisaanik allatut iliortoqsinnaamngippat.

Imm. 6. § 1 malillugu kingornutat, inuunermi immikkut ittumik
kingornussisussap katissimasup inuunikinnerusup toqukkut qimagunnerani
pissarsimarisimasai, kingornussanit inuunermi immikkut ittumik
kingornussisussap imm. 2 aamma 3 malillugit katissimasamit inuunertune-
rusumit tigusaanit ilanngaatigineqassapput. Kingornussap tiguneqarnermini
nalinga ilanngaasiinermi tunngavigineqassaaq. § 47, imm. 1 assigisaanik
atorneqassaaq.

Imm. 7. Katissimasap inuunertunerusup kingornutassiornikkut pigisanik tamanik atuisinnaaneranut imm. 2-6 aporfiunngillat.

Kapitali 4

Pigisat nikisinnagit piginnarnerat

Pigisat nikisinnagit piginnarnissaannut il.il. piunasaqaatit

§ 17. Katissimasap toqkkut qimagutereerneratigut katissimasap inuunertunerusup katissimasat ataatsimoorussamik pigisai tigusinnaavai, taamaattoq tak. § 23, imm. 2-6, pigisat nikisinnagit piginnarnerat inuunermi kingornussisussat ataatsimooqatigalugit.

§ 18. Katissimasap siulliulluni toqkkut qimaguttoq inuunermi immikkut ittumik kingornussisussanik qimataqarpat, taakku aatsaat akuersereernerisigut pigisat pigisat nikisinnagit piginnarnerannut ingerlateqqineqarsinnaapput.

Imm. 2. Inuunermi immikkut ittumik kingornussisussaq nammineerluni aalajangersinnaanermut inatsimmi § 1, imm. 1 malillugu nammineerluni aalajangiisinnaanngippat, imaluunniit inuunermi immikkut ittumik kingornussisussamut kingornussassanik nalunaarsuineranut agguaassinermullu angajoqqaatut oqartussamik ivertitsisoqarsimappat, pigisat pigisat nikisinnagit piginnarnissaannut tunniunneqarnissaat eqqartuussiviup aalajangersinnaavaa angajoqqaatut oqartussaq imaluunniit kingornussassanik nalunaarsuineranut angajoqqaatut oqartussaq tamatumunnga akuersisimappat, aamma tunniussineq inuunermi kingornussisussap soqutigisaanut kiisalu katissimasap inuunertunerusup atugaanut tamanna imminut illersorneqarsinnaasutut isigineqarpat. Inuunermi kingornussisussaq nammineerluni aalajangiisinnaaneq pillugu inatsimmi § 2 malillugu nammineerluni aalajangiisinnaanajunnaarsitaasimappat, imaluunniit nammineerluni aalajangiisinnaanermut inatsimmi § 53 malillugu pigisat tungaasigut siunnersortissaliisoqarsimappat assigisaa atuuppoq. Inuunermi immikkut ittumik kingornussisussaq pigisat tungaasigut siunnersortissalernerneqarsimappat inuunermi immikkut ittumik kingornussisussap akuersisimanisaa piunasaqaataavoq.

Imm. 3. Toqkkut qimaguttup inuunermi kingornussisussai ukiukinnerusut peqatigalugu pigisat nikisinnagit piginnarnissaannut tunniunneqarpata, katissimasap inuunertunerusup toqkkut qimaguttup taakkuninnga pilersuisussaanera tigussavaa.

§ 19. Katissimasap inuunertunerusoq pigisat ilaannik pigisaminik aamma immikkut ittumik pigisaminik pisussaaffimminik naammattumik matussu-siisinnaangippat pigisat nikisinnagit pigiinnarnissaannut pigisanik tunni-ussivisineqarsinnaangilaq. Tamatuminnga nalilersuinnermut aningaasat ka-tissimasap inuunertunerusup katissimasamit inuunikinnerusumit kingornus-satut tigusassai, tamakkiisumik immikkut ittumik pigisai, kiisalu taarsiiffi-gitinnermit, sillimasiinnermit soraarnerussutisianillu aningaasat katissima-samit inuunikinnerusumeersut katissimasap inuunertunerusup tigusassai mianerisineqassapput.

Imm. 2. Imm. 1 malillugu akiliisinnaangissuseq pigisani pissutsinut naleqqiullugu pingaaruteqanngitsutut isigineqarpat, Kalaallit Nunaanni eqqartuussiviup akuersissutigisinnaavaa pigisat nikisinnagit pigiinnaarnis-saannut pigisat tunniunneqassasutg.

Imm. 3. Taamaattoq katissimasap toqukkut siulliulluni qimaguttup inuu-nermini kingornussisussai, katissimasap inuunertunerusup akiliisinnaann-gissusianik ilisimatinneqareerunik tamatumunnga akuersippata, imm. 1 apequtaatinnagut pigisat pigisat nikisinnagit pigiinnarnissaannut tunniun-neqarsinnaapput.

Imm. 4. Katissimasap inuunertunerusoq pigisat nikisinnagit pigiinnarnis-saannut tunniunneqareernerisa kingorna, katissimasap siulliulluni toqukkut qimaguttup aamma nammineq pisussaaffimmi akilernissaannut naammatt-unik aningaasaateqanngippat, pigisat nikisinnagit pigiinnarnissaannut pigisat tunniunneqarsinnaangillat.

§ 20. Pigisat nikisinnagit pigiinnarnissaannut pigisanik tunniussinissamik qinnuteqaat katissimasamit imatuunniit taassuma angajoqqaatut oqar-tussaasuaanit imaluunniit kingornussassanik nalunaarsuinnermut agguaassi-nermullu angajoqqaatut oqartussamit tunniunneqassaaq.

Imm. 2. Katissimasap nammineq aalajangiisinnaanermut inatsimmi §§ 1 ialuunniit 2 malillugu nammineq aalajangiisinnaangippat, imaluunniit nammineq aalajangiisinnaanermut inatsimmi § 53 malillugu pigisat tungaa-sigut siunnersortilernerqarsimappat, imaluunniit katissimasamut kingornus-sassanik nalunaarsuinnermut agguaassinermullu angajoqqaatut oqartussamik ivertitsisoqarsimappat, aatsaat eqqartuussivik isumaqarpat tamanna katissi-masamut pitsaanerpaasoq, pigisat nikisinnagit pigiinnarnissaannut pigisat tunniunneqarsinnaapput.

§ 21. Katissimasap siulliulluni toqukkut qimaguttup inuunermini kingornussisussai pigisat nikisinnagut piginnaarnissaannut pigisanik tunni-ussisimaneq pillugu ilisimatissavai.

Pigisat nikisinnagit piginnakkat aningaasaatai il.il.

§ 22. Toqkkut qimagunnerup kingorna qaammatit arfinillit qaangiutsin-nagit katissimasap inuunertunerusup naliliutit allattorsimaffiat eqqartuussi-vimmut tunngiutissavaa, tassunga ilaassallutik

- 1) katissimasap siulliulluni toqkkut qimaguttoq peqatigalugu ataatsimoo-russamik pigisat,
- 2) katissimasap inuunertunerusoq peqatigalugu ataatsimoorussamik anin-gaasaatit,
- 3) aningaasaatit § 23, imm. 2-6-imi taaneqartut,
- 4) katissimasap inuunertunerusup tamakkiisumik immikkut ittumik nammi-neq pigisai, aamma
- 5) katissimasap siulliulluni toqkkut qimaguttup immikkut ittumik nammi-neerluni pigisai.

Imm. 2. Aningaasaatit allattorsimafianni katissimasap siulliulluni toqk-
kut qimaguttup tamakkiisumik nammineerluni immikkut ittumik pigisaanik
kikkut kingornussisuussanersut allassimassaaq.

Imm. 3. Imm. 1-imi piffissaliussaq eqqartuussiviup sivitsorsinnaavaa.

Imm. 4. Aningaasaatit allattorsimaffiat piffissaq eqqorlugu tunniun-
neqanngippat, eqqartuussiviup aalajangersinnaavaa aningaasaatit allattor-
simaffiat pigisanik aqutsisumit piginnaatitaasumit suliarineqassasoq. Anin-
gaasartuutit katissimasamit inuunertunerusumit akilerneqassapput. Katissi-
masap inuunertunerusup pigisanik aqutsisumut katissimasap siulliulluni to-
qkkut qimaguttup namminerlu aningaasatigut atugai pillugit paasisutissa-
nik tunniussissaaq. Pigisat toqkkut qimagunnermi qimatat nalunaarsoor-
nerannut agguaannerannullu inatsimmi. § 92, imm. 1 kunngip peqqus-
sutaatigut nr. [indsæt], [indsæt]-imeersukkut Kalaallit Nunaannut atuutsin-
neqalersoq assigisaanik atorneqassaaq.

Imm. 5. Eqqartuussiviup qinnuigineqarnermigut aningaasaatit allattor-
simaffiat ataaseq inuunerme kingornussisussanuat tunniutissavaa.

Imm. 6. Aningaasaatit allattorsimaffiat immersugassallu torneqartussat
pillugit justitsministeri maleruagassanik erseqqinnerusunik aalajangersaas-
saaq.

§ 23. Pigisani nikisinnagit piginnakkani suut tamarmik katissimasap inu-
unertunerusup pissarsiarisimasai allattorneqassapput, taakku tamakkiisumik
immikkut ittumik nammineq pigisannqortitaanngippata.

Imm. 2. Inuunerme sillimmasiinerit kiisalu soraarnerussutisiatut akiliutit
assigisaannillu akiliutit katissimasap siulliulluni toqkkut qimaguttup toqu-
nera pissutisalugu pissarsiarineqartut, aamma atorneqarsimanngitsutut isu-
maqarfigineqartut, katissimasap inuunertunerusup inuunerani pigisaasa

nalunaarsorneranni agguanneranilu pigisanut nikisinnagit piginnakkanut ilaassanngillat.

Imm. 3. Katissimasap inuunertunerusup nammineerluni inuunermini sillimmasiinermit pisinnaatitaaffii pisinnaatitaaffiilu assigisaat, katissimasap inuunertunerup inuugallartilluni pigisaasa nikisinnagit piginnagaasa nalunaarsorlugillu agguanneqarneranni ilaassanngillat.

Imm. 4. Aningaasat imm. 3-mi aaqqissuussinernit tunniunneqartut pigisanut nikisinnagit piginnarneqartunut ilaassapput. Tamannali soraarnerussutissatut katersukkanut pisinnaatitaaffinnit assigisaannillu pisinnaatitaaffinnit kiisalu ilassutaasumik ataasiakalaamik akiliutinut atuutinngilaq, taakku atorneqarsimannngitsutut isumaqarfigineqarpata, aningaasat akilerneqarnerminni soraarnerussutisianut sipaakkatut pissuseqarnertik annaasimanngippassuk.

Imm. 5. Isertitanut aamma aningaasanut taarsiussatut isertitanut imm. 2-4 fassigisaanik atorneqassaaq.

Imm. 6. Pisinnaatitaaffiit sinnerinut, allanut tunniunneqarsinnaanngitsunut imaluunniit inummut namminermit tunngasunut pigisat nikisinnagit piginnarneqarnissaannut maleruagassat taamaallaat atorneqassapput pisinnaatitaaffinnut taakkununga maleruagassat immikkut ittunut naleqqussinnaappata.

Imm. 7. Kingornussat, tunissutisiat aamma inuunermut sillimmasiinerit kiisalu soraarnerussutisiatut akiliutit akiliutillu assigisaat katissimasamut inuunertunerusumut inummit pingajuusumit tunniunneqartut pigisanut nikisinnagit piginnarneqartunut ilaannngillat, katissimasaq aningaasanik tigusermi kingorna qaammatit pingasut qaangiutsinnagit pigisat nalunaarsorlugillu agguanneqarnissaannik qinnuteqaateqarpat.

§ 24. Katissimasaq inuunertunerusoq inuugallartilluni pigisanik nikisinnagit piginnakkanik piginnittutut atuisinnaavoq.

Imm. 2. Kingornussassiornikkut katissimasap pigisat nikisinnagit piginnarneqarneranni taamaallaat pigisat nikisinnagit piginnagaasut ilai katissimasap toqukkut qimagunnerani imminerminut kingornussatut tutut atorsinnaavai. Aamma killiliussap tamatuma iluani pigisat ataasiakkaat katissimasap atorsinnaavai, tamanna katissimasap siulliulluni toqukkut qimaguttup § 91 malillugu kingornussassaliamigut aalajangigaanut akerliunnngippat.

§ 25. Katissimasaq inuunertunerusoq katissimasap siulliulluni toqukkut qimaguttup pisussaaffiitut inuttut akisussaasunnngussaaq.

Imm. 2. Katissimasap siulliulluni toqukkut qimaguttup pigisat qimatai akiliisinnaassuseqanngitsut isumaqartoqarpat, katissimasap inuunertunerup

imaluunniit akiligassaqarfigisap Kalaallit Nunaanni Eqqartuussivik qinnuigisinnaavaa pigisat pigisanik aqutsisumit suliarineqassasut. Qinnuiginnineq akuersissutigineqarpat, pigisat toqukkut qimatat nalunaarsorlugillu agguanneqartarnerat pillugu inatsimmi, kunngip peqqussutaa nr. [indsæt], [indsæt]-imeersukkut Kalaallit Nunaannut atuutsinneqalersumi § 104 malillugu pisussaaffini katissimasap inuunertunerusup eqqortissimasavai, katissimasarlu inuunertunerusoq katissimasami siulliulluni toqukkut qimaguttup pisussaaffii imm. 1 apeqqaatinnagu akilertussaassanagit.

Kingornussassanik nalunaarsuineq agguassinerlu

§ 26. Katissimasap inuunertunerusup inuunermi kingornussisussamut ataatsimut arlalinnulluunniit kingornussassat nalunaarsorneqarnissaat agguanneqarnissaallu qaqugukkulluunnii aalajangersinnaavaa.

Imm. 2. Nutaamik kateqqinnermi katissimasap inuunertunerusup kingornussassat nalunaarsortissavai agguaatsillugillu. Inuunermi kingornussisussat pigisat nikisinnagit pigiinnarneqartut kingornussassat nalunaarsorlugillu agguanneqarnissaat itigartitsissutigisinnaanngilaat peqatigisaanillu kingornussinissamut pisinnaatitaaffik pigiinnarlugu.

§ 27. Katissimasap inuunertunerusup § 18, imm. 2 naapertorlugu inuunermi immikkut ittumik kingornussisussanik nammineerlutik aalajangiisinnaanngitsunik pigisanik nikisinnagit pigiinnagaqalersimasup, inuunermi immikkut ittumik kingornussisussat nammineerlutik aalajangiisinnaanngornerat ilutigalugu qinnuigineqarnermigut inuunermi immikkut ittumik kingornussisussanut kingornussassat nalunaarsortissavai agguaallugillu. Inuunermi kingornussisussap kingornussassanik nalunaarsuinnermut agguassinermullu angajoqqaatut oqartussaata nammineerluni pigisat nikisinnagit pigiinnarneqarnissaannut akuersisimappat, inuunermilu kingornussisusaq nammineq kingusinnerusukkut kingornussassat nalunaarsorlugillu agguanneqarnissaannik qinnuiginnippat, assigisaa atuuppoq.

Imm. 2. Inuunermi immikkut ittumik kingornussisusaaq nammineerluni aalajangiisinnaanngtsoq toqukkut qimaguppat, taassumalu angajoqqaatut oqartussaasua imaluunniit kingornussassanik nalunaarsuinnermut agguassinermullu angajoqqaatut oqartussaasua § 18, imm. 2 malillugu pigisat nikisinnagut pigiinnarnissaannut akuersisimappat, katissimasap inuunertunerusup pineqartup inuunermi kingornussisussaanut kingornussassat nalunaarsortissavai agguanneqartillugillu, taakku taamatut pisoqannginnissaanut akuersisimangippata.

Imm. 3. Inuunermi immikkut ittumik kingornussisussat ukiukinnerusut aamma inuunermi immikkut ittumik kingornussisussat angajoqqaatut

oqartussanik ivertitsiffigineqarsimasut eqqartuussiviup akuersissute-qarneratigut pigisat nikisinnagit piginnaarnissaannut angajoqqaatut oqartus-sat nalunaaruteqartissinnaavaat. § 18, imm. 2, assigisaanik atorneqassaaq.

§ 28. Katissimasap inuunertunerusoq pigisanik pigisat nikisinnagit pigi-innarnissaannut tiguisimappat, inuunermi kingornussisussat katissimasap siulliulluni toqukkut qimaguttoq aatsaat kingornussiffigissavaat imaappat

- 1) katissimasamit inuunertunerusumit inuunertunerugunik imaluunniit
- 2) pigisat nalunaarsorlugillu agguanneqarnissaannut qinnuteqaatip saqummiunneqarnerani suli inuugunik.

Imm. 2. Katissimasap inuunertunerusup toqukkut qimagunnerani pigisat nalunaarsorlugillu agguanneranni katissimasap siulliulluni toqukkut qimaguttup katissimasamut inuunertunerusumut kingornutassiissutai kingornutassanut ilaatinneqassanngillat.

Imm. 3. Katissimasap siulliulluni toqukkut qimaguttup inuunermi kingornussisussaasa akornanni katissimasap inuunertunerusup toqukkut qimagunnerani imaluunniit ulloq unnuallu pigisat nalunaarsorneqarnissaan-nik agguanneqarnissaannik qinnuteqaatip eqqartuussivimmit tigure-qarnerata naanerani kingornutassani pissutsit malillugit kingornutassat ag-guaanneqassapput. Katissimasap inuunertunerusup toqukkut qimagun-nerani taassumunga kingornussisussaqaanngippat, pigisat tamakkerlutik ka-tissimasap siulliulluni toqukkut qimaguttup inuunermi kingornussisussaa-nut tunniunneqassapput.

§ 29. Katissimasap siulliulluni toqukkut qimaguttup inuunermi kingor-nussisussaata uppernarsarpagu, katissimasap inuunertunerusoq pigisanik ni-kisinnagit pigiinnakkanik atorsinnaasaminik atonerluinermigut pigisat an-nertuumik annikillisissimagai, imaluunniit taamatut annertuumik annikillis-innissaat aarlerinarsisikkaa, katissimasap inuunertunerusup pigisat nalunaarsortissavai inuunermilu kingornussisussanut tamatuminnga pi-umasaqaateqartunut agguaatsillugit.

Imm. 2. Pigisanik atorsinnaasanik atonerluinertut annerusumik isigi-neqarput illersorneqarsinnaanngitsumik nalorninarsinnaasunik niuernerit, naapertuutinngitsumik atupiloorneq, naapertuutinngitsunik annertu-allaamik soraarnerussutisiaqarnermut sillimmasifinermulluunniit aaqqis-suussinerit kiisalu tunissuteqarnerit imaluunniit ajunngitsorsi-aqartitsinerit pigisanut nikisinnagit pigiinnakkanut naleqqiullugit naaper-tuutinngitsut.

Imm. 3. Kingornussisussap oqaatigippagu atonerluisoqartoq, katissi-masap inuunertunerup eqqartuussiviup aalajangiineratigut pigisat nikisin-

nagit piginnakkat aningaasaataanik atuinini pillugu paasissutissanik tunniussissaaq. Inuunermi kingornussisussat paasissutissanik ilisimatinneqarnissaminnut pisinnaatitaaffeqarput.

Imm. 4. Katissimasaq inuunertunerusoq inuunermi immikkut ittumik kingornussisussamut pilersuisussaataitanerminik sumiginnaasimappat, katissimasaq inuunertunerusoq qinnuigineqarnermigut taassumunnga pigisanik nalunaarsuititsissaaq agguaassisitsissallunilu.

§ 30. Katissimasaq inuunertunerusoq pigisanik nikisinnagit piginnakkanik atuisinnaanerminik atonerluinermigut taakkuninnga annertuumik annikillisisimappat, inuunermi kingornussisussap kialuunniit kingornutassat nalunaarsorlugillu agguaanneqarneranni piumasaqaatigisinnaavaa pigisanit piginnakkanit akilerneqarnissani. Pisariaqarpat inuunermi kingornussisussap ilanngullugu piumasaqaatigisinnaavaa katissimasap tamakkiisumik immikkut pigisaanit aningaasat amigaataasatut affai pillugit akilerneqarnissani.

Imm. 2. Inuunermi kingornussisussaq imm. 1 malillugu akilerneqarnissamik piumasaqaateqarsinnaavoq katissimasaq inuunertunerusoq pigisanik nikisinnagit piginnakkanik pisinermut imaluunniit nammineq tamakkiisumik immikkut ittumik pigisaminik pitsanngorsaansamut atuisimappat, imaluunniit katissimanerup inatsisitigut sunniutai pillugit inatsimmi, kungip peqqussutaa nr. 150, 31 marts 1993-imeersukkut Kalaallit Nunaannut atuutsinneqalersumi § 15, imm. 2 malillugu pisinnaatitaaffini malillugit pigisat nikisinnagit piginnarneqartut nalunaarsorlugillu agguaanneqartunut ilaanngitsut atorneqarsimappata.

Imm. 3. Katissimasap inuunertunerusup imaluunniit inuunermi kingornussisussap pigisanik nikisinnagit piginnarneqartunik nalunaarsuillunilu agguaassinermi pigisanit tigumiaannarneqartunit akissarsinissaq piumasaqaatigisinnaavaat, katissimasaq nammineq tamakkiisumik pigisaminik atuisimappat, pigisat nikisinnagit piginnarneqartut pitsanngortinnissaannut.

§ 31. Katissimasaq inuunertunerusoq pigisanit tunissuteqarsimappat imaluunniit kingornussassanik siumoortumik tunniussaqsimmalluni, taakkualu nalingi pigisat aningaasaataannut naleqqiullutik atsikkutigiinnatik, tigusisup iluaquserneqartulluunniit ilisimappagu imaluunniit ilisimasariaqsimagaluarpagu katissimasaq pigisanik nikisinnagit piginnagaqartuusooq, aamma taamatut atuneq pigisat aningaasaataannut atsikkutigiinnngitsuusooq, inuunermi kingornussisussap piumasaqaatigisinnaavaa taamatut atuneq atorsinnaajunnaartinneqassasoq.

Imm. 2. Inuunermut sillimmasiinermit aqqissuussinermulluunniit assigisaanut iluaquserneqartumut akiliinermit imm. 1 assigisaanik atorneqassaaq, taakku pigisat aningaasaannit akilerneqarsimappata, aningaasallu pigisat aningaasaataannit akilerneqarsimallutik nalingat taak-kununnga atsikkutigiissuunani.

Imm. 3. Katissimasap inuunertunerusup toqukkut qimagunnerata kingorna imm. 1 aamma 2 atorneqassanngillat, inuunermi kingornussisussap pineqartup kingornussassai matussuserneqarsinnaappata, inuunermi kingornussisussap pigisanit tigumiaannarneqartunit akilerneqarsinnaappat, tak. § 30, imm. 1 aamma 2.

§ 32. § 31 malillugu atorsinnaajunnaarsitsineq taamaallaat atorneqarsinnaavoq pigisat nalilersorlugillu agguanneqarpata, imaluunniit inuunermi kingornussisussaq suliamik saqqummiussiniartoq pigisat nalilersoqqullugit agguanneqaqqullugillu qinnuteqarpat. Suliaq Kalaallit Nunaanni Eqqartuussivimmut suliassiissutigineqassaaq, taannalu eqqartu-ussuteqarnikkut aalajangiisuussalluni.

Imm. 2. § 31, imm. 1 malillugu suliaq, inuunermi kingornussisussap tunis-summik imaluunniit kingornussassamik siumoortumik pissarsisoqarneranik ilisimasaqalernerata imaluunniit ilisimasaqalertariaqarnerata kingorna ukiup ataatsip qaangiutinnginnerani, kingusinnerpaamillu tunissutip piviusunngortinneranit ukiut tallimat qaangiutsinnagi.

Imm. 3. § 31, imm. 2 malilugu suliaq inuunermi kingornussisussap aningaasanik tunniussisoqarsimaneranik ilisimasaqalernerata imaluunniit ilisimasaqalertariaqarsimanerata kingorna ukiup ataatsip qaangiunnerani suliassiissutigineqassaaq, kingusinnerpaamillu akiliuteqarsimanerup kingorna ukiut tallimat qaangiunneranni.

§ 33. Pigisat nalunaarsorlugillu agguanneqarneqarneranni katissimasap inuunertunerusup pigisai tamarmik pigisat nikisinnagit piginnarneqarnerattut isumaqarfigineqassapput.

§ 34. Katissimasap siulliulluni toqukkut qimaguttup kingorna inuunermi kingornussisussat tamarmik toqukkut qimagussimappata, katissimasap inuunertunerusup pigisat tamaasa kiffaanngissuseqarluni atorsinnaassavai nalunaarsortinnagit agguanneqartinnagillu. § 16 assigisaanik atorneqassaaq.

Kapitali 5

Katissimasamut inuunertunerusumut kingornussassanik utaqqisitsineq

§ 35. Kingornussassat taakkualuunniit ilaasa katissimasaup siulliulluni toqkkut qimaguttup inuunermi kingornussisussanut akilerneqarnissaanut eqqartuussiviup katissimasaq kinguartitsisissinnaavaa, pigisanik aalaak-kaasunik, pigisanik nuunneqarsinnaasunik, pigisanilluunniit allanik, katissimasap angerlarsimaffimminik inuussutissarsiumminillunniit attassinarnissaanut pisariaqartinneqartunik tunisinani kingornussassat tunniunneqarsinnaanngippata.

Imm. 2. Tamakkiissumik ilaannakortumilluunniit kinguartitsisoqarnissaata aalajangiiviginerani, katissimasap siulliulluni toqkkut qimaguttup inuunermi immikkut ittumik kingornussisussaata §§ 6 aamma 7 malillugit naliliutit tigorosutai pineqartumut eqqaamasatigut immikkut naleqartuunersut eqqartuussiviup mianerisinnaavaa.

Imm. 3. Imm. 1 malillugu kinguartitsisoqassappat, eqqartuussiviup aalajangersinnaavaa katissimasap siulliulluni toqkkut qimaguttup inuunermi immikkut ittumik kingornussisussaa piffissami kinguartitsiviusumi pilersorneqarnissamut pigisani pissutsinut naleqquttunik aningaasanik akilerneqassanersoq, taamaattoq taamaallaat inuunermi immikkut ittumik kingornussisussap 24-nik ukioqalernissaata tungaanut.

§ 36. § 35, imm. 1 malillugu kingornussassanik kinguartitsineq, katissimasap siulliulluni toqkkut qimaguttup ullormit toquffigisaanit ukiuni tallimani akuersissutigineqassaaq.

Imm. 2. § 35, imm. 1-imi piumasaaqatit eqqortinneqarsimappata, katissimasap tamanna qinnuteqaatigippagu, eqqartuussiviup kinguartitsineq ukiunik tallimanik ilallugu sivitsorsinnaavaa. Sivitsuinissamik qinnuteqaat piffissap kinguartitsiviusup naanissaanut siusinnerpaamik qaammatit arfinilingeranni tunniunneqassaaq, kingusinnerpaamillu imm. 1-imi piffissap kinguartitsiviusup naanerani tunniunneqassalluni. Sivitsuinissamik qinnuiginnineq kinguartitsinermik sunniuteqartarpoq.

Imm. 3. Taamaattoq kingornussassanik akiliineq siusinnerpaamik ataatsimoorussamik kingornussisussap 18-inik ukioqalernerani pisinnaavoq. Katissimasap inuunertunersoq kinguartitsinermik nalunaarfigineqarnerminut atatillugu katissimasap siulliulluni toqkkut qimaguttup inuunermi immikkut ittumik kingornussisussaanik pilersuisuunissamik pisussaaffik tigussallugu eqqartuussivimmuut oqaatigippagu, assigisaa atuutissaaq.

Imm. 4. Piffissap kinguartitsiviusup naanerani kingornussassat aningaasanngorlugit akilerneqassapput.

§ 37. § 35, imm. 1 malillugu kingornutassanut kinguartinneqartunut tamakkiissumik sillimmasiisoqassaaq. Sillimmasiineq eqqartuussivup aalajangersassavaa.

Imm. 2. Sillimmasiineq pillugu isumaqatigiinngissutini eqqartuussivik aalajangiisuusaaq. Inuunermi kingornussisussap imaluunniit kingornussisussap nammineerluni aalajangiisinnaangippat, Kalaallit Nunaanni Naalagaaffiup Sinniisuata qinnuiginninneratigut eqqartuussiviup aalajangersinnaavaa katissimasap inuunertunerusup kingornussassat akilissagai, sillimmasiineq annertuumik ajorseriartinneqarsimappat.

Imm. 3. Katissimasap inuunertunerusup katissimasap siulliulluni toqukkut qimaguttup inuunermini immikkut ittumik kingornussisussaanik pilersuinissamut pisussaaffini sumiginnarsimappagu, eqqartuussiviup Kalaallit Nunaanni Naalagaaffiup Sinniisuanit qinnuigineqarnermigut aalajangersinnaavaa kingornussassat akilissagai, tak. § 36, imm. 3, pkt. 2.

§ 38. §§ 35-37 malillugit eqqartuussiviup aalajangiinera tunngavilersorneqassaaq. Aalajangiineq eqqartuussivimmut qulliunerusumut aalajangeqqitassanngortitsinikkut suliareqqitassanngortinneqarsinnaavoq, eqqartuussisarneq pillugu inatsimmi §§ 517-527 malillugit.

§ 39. Kingornutassat kinguartinneqartut § 35, imm. 1-imut ilaasut ernialersornerat, aningaasat § 35, imm. 3-mut ilaasut allaffissornikkut aquneqarnerat, kiisalu § 37, imm. 1 malillugu sillimmasiineq pillugit maleruagassat justitsministerip aalajangersassavai.

Kapitali 6

Kingornutassiornikkut kingornussisussat naliliinerup kingorna tigusisinnaanerat

§ 40. Kingornussisusaaq kingornutassiornikkut pigisat ilaannik kingornussisussanngorsimappat, imaluunniit kingornussisusaaq kingornutassiornikkut tigusisussanngorsimappat, imaluunniit pigisanik agguaassinermut eqqartuussiviup aalajangiineratigut §§ 6-8 assigisaanik atorneqassapput.

Kapitali 7

Kingornussat kiisalu kingornussassanik siumoortumik tigusineq pillugit isumaqatigiissutit

Kingornussassanik naatsorsuutigisanik allamut tunniussinerup aamma akiligassarqimmit malersuinerup inerteqqutaanera

§ 41. Kingornussisussap kingornussassatut naatsorsuutigisani tunin-iarsinnaangilai, qularnaveeqqutigisinnaanagit allatigulluunniit allanut tun-

niussinnaanagit. Kingornussisussatsisussaq inuugallartillugu kingornussisussap kingornussisussatsisussaq akuerseqqaarsimatinnagu pigisanik nalilitinik taarsiullugu tigusinissamut kingornusseqatigisassanut allanut aamma isumaqatigiissuteqarsinnaanngilaq.

Imm. 2. Kingornussisussap akiligassaqarfii kingornussassatut naatsorsuutigisaasut eqqortitsissutiginiisaat piunasaqaatigisinnaanngilaat.

Kingornussassatut naatsorsuutigisaasut pisassarileriikkallu tunuartinneqarnerat

§ 42. Kingornussisussap akiliuteqarluni akiliuteqarnaniluunniit kingornussassatut naatsorsuutigisani kingornussassaniluunniit tunuartinneqarnerat.

Imm. 2. Kingornussassatut naatsorsuutigineqartut utertinneqarnerat kingornussisussatsimut tunniunneqassaaq. Taamaattoq kingornussisussatsisussap katissimasaa pigisanik nikisitsinani piginniinnartuuppat, utertitsineq taassumunnga tunniunneqarsinnaavoq.

Imm. 3. Kingornussassanik tunuartinneqarnerat kingornussisussap inuunermini kingornussisussatsisassanut sunniuteqarpoq, taakku kingornussinissamut pisinnaatitaaffii piunasaqaatigineqarsimannngippata.

Kingornussassanik siumoortumik tigusineq

§ 43. Kingornussassanik siumoortumik tigusineq pilersarpoq kingornussisussap kingornussisussatsumit aningaasatigut nalilinnik tigusaqarsimappat, tamannalu tunniussat kingornussisussap kingornussassanut kingusinnerusukkut ilanngaatigineqartussatut isumaqarfigineqarpat.

§ 44. Kingornussassanik siumoortumik tigusineq, inuunermi ataatsimoorussamik kingornussisussap tigusimasai, allatut isumaqatigiissuteqartoqarsimannngimannngippat, sapinngisamik katissimasap siulliuni toqukkut qimaguttap inuunermini kingornussisussasa kingornussassaanit ilanngaatigineqassaaq, imaappat

1) kingornussassanut siumoortumik ataatsimoorussamik pigisanit, avinnermi immikkut ittumik pigisanit imaluunniit immikkut ittumik pigisanit, katissimasap toqukkut qimagunneratigut ataatsimoorussamik pigisanngortussanit akilerneqarsimavoq, aamma

2) katissimasap inuunertunerusup inuugallarnerani pigisat nalunaarsorluggillu agguanneqarsimappata.

Imm. 2. Kingornussassaliaq katissimasamit siulliulluni toqukkut qimaguttumit pilersinneqartoq tunulliunneqassaaq, imm. 1 malilllugu ilanngaasiinissaq pisariaqartillugu.

Imm. 3. Kingornussassat siumoortumik tigusat ilaat, katissimasamit siulliulluni toqukkut qimaguttumit kingornussanit ilanngaatigineqanngitsut katissimasamit inuunertunerusumit kingornussanit ilanngaatigineqassapput.

Imm. 4. Katissimasap inuunertunerusup toqukkut qimagunnerani pigisat nikisinnagit piginnakkat nalunaarsorlugillu agguaanneqarneranni, angajoqqaanit marluusunit ataatsimoorullugit meerarisanut kingornussassat siumoortumik kingornussassatut tigusimasat kingornussassanit atsikutigiiissumik ilanngaatigineqassapput.

Imm. 5. Imm. 1-4 aamma siumuukkanut katissimasamit pigisanik nikisinnagit pigisaqartumit tigusanut atuutissapput.

§ 45. Kingornussassat siumoortumik tigusat, katissimasap ataatsimoorussamik pigisanit, avinnermi immikkut ittumik pigisanit imaluunniit allatut immikkut ittumik pigisanit, katissimasap toqukkut qimagunneratigut ataatsimoorussamik pigilikkanit, meerarsiaminut imaluunniit inuunermi kingornussisussamat tunniussimasai, katissimasap aappaanit kingornussassanit ilanngaatigineqassapput, tunniussat taassumanga kingornussassanit siumoortumik tiguqarnissaat isumaqatigiissutaasimappat.

§ 46. Ilanngaasiinermi kingornussassat siumoortumik tigusat tiguqarnerminni nalingat tunngavigineqassaaq. Taamaattoq pisuni immikkut ituni tamanna avaqunneqarsinnaavoq.

Imm. 2. Siumoortumik tigusat kingornussassanit nalituneruppata, kingornussisussap naleqarnerussutaa pigisanut akilissanngilaa, aatsaat tamatumunnga immikkut pisussaaffiligaasimaguni akilissallugu.

Imm. 3. Kingornussassanik siumoortumik tigusisimasoq kingornussisitsisumit siulliulluni toqukkut qimaguppat, siumuukkat kingornussisussap inuunermini kingornussisussaasa pisassaannit ilanngaatigineqassapput.

§ 47. Kingornussassat siumoortumik tigusat kingornussassat pinngitsaalliissumillu kingornussassat naatsorsorneranni pigisanut ilanngunneqassapput. Siumoortumik tigusat tigusisup kingornussassaanit tamakkiisumik ilanngaatigineqarsinnaanngippata, taamaallaat tigusisup kingornussassaasa aningaasanngorlugit nalingi ilaatinneqassapput.

Imm. 2. Ataatsimoorussamik pigisat katissimasap inuunertunerusup inuunerani nalunaarsorlugillu agguaanneqarpata, siumoorluni tigusimasat pigisanit kingornussassat nalunaarsornerannut agguaannerannullu naatsorsu-

inermi ilanngunneqassapput. Siumoortumik tigusat tiguisup katissimasamit siulliulluni toqukkut qimaguttumit kiisalu katissimasamit inuunertunerusumit aningaasanngorlugit kingornussassaanit annertuneruppata, taamaallaat kingornussassat taakku nalingat naatsorsuutigineqassaaq.

Kapitali 8

Peqataajunnaarsitaaneq kingornussinissamullu pisinnaatitaaffiup peerneqarnera

§ 48. Inuk piaaraluneerluni pinerluttulerinermik inatsimmik unioqqutitsimappat, tamatumalu inuup allap toqunera kinguneralugu, eqqartuussinikkut aalajangerneqarsinnaavoq pineqartoq toqutap toqunerani kingornussininnaajunnaassasoq, sillimmasiinermit aningaasanik, soraarnerussutisianit allanilluunniit tunniussassanik pisinnaajunnaarluni. Assigisaanik aalajangiisoqarsinnaavoq, pineqartup kingornussassai, soraarnerussutisiai allatigulluunniit tassunga tunniunneqartussat annertusissanngitsut inatsisinik unioqqutitsinerup kingunerisaanik.

Imm. 2. Kinaluunniit ilaquuttamik kingornussiffigisassamik toqutseriarsimasoq, pineqartumut sakkortuumik kannguttaalliorsimasoq imaluunniit pineqartumik imatut qunusaarisimasoq, pinerluttulerinermi eqqartuussisaatsikkut akisussaatinneqassutigisaminik, innarligaasup qinnuteqarneratigut taassuma toqukkut qimagunneranik pissuteqartumik kingornussinissamut, sillimmasiissutitigut aningaasanik, soraarnerussutisianik allatigulluunniit tunniunneqartussanik pisinnaatitaaffimminik arsaarneqarsinnaavoq.

Imm. 3. Imm. 1 aamma 2 naapertorlugit pinerluttulerinermi suliap imaluunniit suliap immikkuullarissup nalaani aalajangiisoqarsinnaavoq.

Imm. 4. Kingornussinissamut pisinnaatitaaffik arsaarinnissutaasoq eqqartuunneqartumut kingornutassiornikkut tamakkiisumik ilaannakortumilluunniit uterteqqinneqarsinnaavoq. Sillimmasiissutinit aningaasanik, soraarnerussutisianit, allatigulluunniit tunniunneqartussanik il. il. pissarsinissamut pisinnaatitaaffiup eqqartuussinikkut tunuartinneqarnera eqqartuussap aaqqissuusinermit il. il. iluaquserneqartussanngorlugu inissinneratigut tamakkiisumik ilaannakortumilluunniit utertinneqarsinnaavoq.

§ 49. Katissimasut akornaminni imminnut kingornunnissamut pisinnaatitaaffiat averusernikkut avinnikkulluunniit atorunnaassaaq.

Imm. 2. Katissimanermi atorunnaarsinneqarsinnaasumi illuatungeriit aappaat toqukkut qimaguppat, illuatungaasup aappaa kingornussissanngilaq, pineqartup qinnuteqarneratigut katissinneq avinnerlu pillugit inatsimmi,

peqqussut nr. 307, 14 maj 1993-imeersukkut Kalaallit Nunaannut atu-
utsinneqalersumi § 25, imm. 1 imaluunniit 2 atorneqarpat, imaluunniit kat-
innermi inatsit atuuttoq malillugu katissimanerup pisortanit atorun-
naarsinneqarnissaa suliaassiissutigineqareersimappat.

Kapitali 9

Pinnngitsaaliissummik kingornussassat pillugit kingornussassaliinikkut aalajangiineq

Nalilersuinerup kingorna tigusineq

§ 50. Kingornussassaqtitsisoq kingornussassaliormigut pinnngitsaa-
liissummik kingornussassat atorsinnaangilai, tamanna inatsisitigut tunnga-
vissaqanngippat.

Imm. 2. Kingornussassaqtitsisup kingornutassiornermigut aalajan-
gersinnaavaa inuunermi kingornussisussap pinnngitsaaliissummik kingornu-
tassani aningaasannorlugit tigussagai. Kingornussassaqtitsisup kingor-
nutassiornermigut ilanngullugu aalajangersinnaava inuunermi kingornussi-
sussap pinnngitsaaliissummik kingornutassani naliliutinik aalajangersi-
masunik tigusinermigut imaluunniit naliliutit nammineq toqqakkani
aqqutigalugit nalilersuinermi akii malillugit tigusinnaagai. Kingornutassior-
nikkut aalajangerneqarsinnaavoq pisinnaatitaaffik tamanna naliliutinut
pineqartup kingornussassaani naleqarnerusunut atorneqarsinnaasoq, aker-
lianillu inuunermi kingornussisussap aningaasat sippuissutaasut pigisanut
akilissallugit. Katissimasap § 11, imm. 1, aamma § 91, imm. 2 malillugit
pisinnaatitaaffii ataqqineqassaput.

Imm. 3. Kingornussassaqtitsisup ataatsimoorussamik pigisanik aamma
tamakkiisumik immikkut ittumik nammineq pigisaminik qimataqartup ka-
tissimasami § 11, imm. 1, aamma § 91, imm. 2 malillugit pisinnaatitaaffii
ataqqillugit kingornutassiornermigut aalajangersinnaavaa, inuunermi
kingornussisussap pinnngitsaaliissummik kingornussinissamut pisinnaati-
taaffii ataatsimoorussamik pigisanit imaluunniit immikkut ittumik nam-
mineq pigisaminit akilerneqassanersut.

Nammineerlutik aalajangiisinnaangitsut kingornussassa

§ 51. Kingornutassaqtitsisup kingornutassiornermigut aalajan-
gersinnaavaa Inuunermi kingornussisussaq 18-inik ukioqalersimatinnani,
katissimanani meeqqanillu qimataqarani toqkkut qimaguppat, pinnngitsaa-
liissummik kingornutassai kimut tunniunneqassanersut.

*Pinngitsaaliissummik kingornussisussap, silatusaartumik iliuuse-
qarsinnaanngitsup pinngitsaaliissummik kingornussassaasa agguanne-
qartarnerat*

§ 52. Justitsministerip imaluunniit justitsministerip tamatumunnga pig-
innaatitaata akuersissutigisinnaavaa kingornutassaqaartitsisup kingornutas-
siornermigut aalajangissagaa, kingornutassaqaartitsisumit pinngitsaaliissum-
mik kingornutassat qanoq agguataarneqassasut pinngitsaaliissummik
kingornussisussap toqukkut qimagunneratigut, imaappat

- 1) pinngitsaaliissummik kingornussisussaq silatusaartumik kingornutas-
siorsinnaanngippat, tak. § 74,
- 2) taamatut atugaqarnera qaangerneqarsinnaanngitsutut naatsorsuutigi-
neqarpat,
- 3) pinngitsaaliissummik kingornussisussaq pinngitsaaliissummik kingor-
nussisussanik qimataqanngippat,
- 4) pinngitsaaliissummik kingornussisussaq atorsinnaasumik kingornutas-
siorsimanngippat, aamma
- 5) kingornutassiakkut atuineq angajoqqaatut oqartussamit, pinngitsaaliis-
summik kingornussisussamut ivertitaasumit akuersissutigineqarpat.

Imm. 2. Imm. 1 malillugu kingornutassiami aalajangersagaasut taa-
maallaat sunniteqassapput nr. 3-mi aamma 4-mi piumasaqaatit pinngitsaa-
liissummik kingornussisussap toqukkut qimagunnerani sulii eqqortinne-
qarsimappata.

Imm. 3. Imm. 1 malillugu akuersissutip nalunaarutiginiisaanut malerua-
gassat justitsministeerip aalajangersarsinnaavai.

*Pinngitsaaliissummik kingornutassat allanit atorineqarsinnaajun-
naarsinnerat*

§ 53. Kingornutassaqaartitsisup kingornutassiornermigut aalajangersin-
naavaa inuermi kingornutassaqaartup pinngitsaaliissummik kingornutassai
tamakkiissumik ilaannakortumilluuniit allanit atorsinnaajunnaartinneqassa-
sut, kingornutassaqaartitsisumit isumaqarfigineqarpat, inuermi kingornu-
tassiissussamut tamanna pitsaanerpaasutut isumaqarfigineqarpat. Allanulli
atuisinnaajunnaartitsineq taamaallaat inuermi kingornussisussap 25-nik
ukioqalernissaata tungaanut atuussinnaavoq.

Imm. 2. Kingornutassat nalikitsuinnaappata, justitsministerip imaluunniit
justitsministerip tamatumunnga piginnaatitaata aalajangersinnaavaa kingor-
nutassaqaartitsisup allanit atuisinnaajunnaarnermik aalajangiinerup
eqqortinneqarsinnaanera atorsinnaajunnaartinneqassasoq

§ 54. Kingornussat ingerlatsiviup immikkoortoqarfiani, justitsministerimit imaluunniit justitsministerip tamatumunnga piginnaatitaanit akuerisaasumi allanit atorneqarsinnaajunnaarsinneqassapput.

Imm. 2. Kingornussisoq akuersippat, kingornussat justitsministerimit imaluunniit justitsministerip tamatumunnga piginnaatitaanit akuerineqarluni allatut allanit atorneqarsinnaajunnaarsinneqassapput, pingaartumik pigisat aalaakkaasut atorlugit.

Imm. 3. Nammineerlutik aalajangiisinnaasut pigisaat allanit atorneqarsinnaajunnaarsinneqartut inissinneqarnerannut justitsministeri maleruagassanik aalajangersaassaaq.

§ 55. Kingornussat allanit atorneqarsinnaajunnaarsimatillugit, kingornussisup inuugallartillugit kingornussat atorsinnaanngilai. Kingornussisulli erniat isertitalu tigusinnaavai.

Imm. 2. Aningaasaatinit allanit atorneqarsinnaajunnaarsitaasunit kingornussisoq inuugallartillugu kingornussisup akiligassaqarfii aningaasanik piniaarsinnaanngillat. Assigisaa atuuppoq ernianut tiguneqanngitsunut isertitanullu, akilerneqarfissaasa kingorna qaammatit arfinillit tikillugit.

Imm. 3. Kingornussisoq piaarluneerluni imaluunniit mianersuaalliorluni inummik pigisanilluunniit ajoqusiisimappat taarsiisuteqartussaallunilu imaluunniit akiliisussaalluni, eqqartuussinikkut aalajangerneqarsinnaavoq aningaasat allanit atorneqarsinnaajunnaarsitanit akilerneqarsinnaanissaat atorneqarsinnaajunnaarsitsinikkut ajoqutaassanngilaq.

§ 56. Justitsministerip imaluunniit justitsministerip tamatumunnga piginnaatitaata akuersissutigisinnaavaa kingornutat allanit atorneqarsinnaajunnaarsitat tunniunneqassasut, imaappat

- 1) kingornussisup atugarissaarnissaanut tunngavissaqarpat,
- 2) kingornutat nalikitsuinnaappata, imaluunniit
- 3) allanit atorneqarsinnaajunnaarsitsineq naammaginartumik siunertaarusimasoq erseqqippat.

§ 57. Kingornutassiaq kingornussat piffissami aalajangersimasumi imaluunniit aalajangersimasumik pisoqarnerani akilerneqartarnissaannik aalajangersagartaqarpat, ingerlatsiviup immikkoortoqarfia akiliisassaaq. Akerlianilli kingornutassiami piumasagaatit eqqortinneqarsimanersut nalilersorneqartariaqarpat, aatsaat justitsministerip imaluunniit justitsministerip tamatumunnga piginnaatitaata aalajangiineratigut aatsaat akiliisoqarsinnaavoq.

§ 58. Kingornussat allanit atorneqaqqusaanngitsut avinnermik nammineq immikkut ittumik pigisaapput. Kingornussalli allanit atorneqaqqusaanngitsut kingornussisup katissimasaata toqukkut qimagunnerani tamakkiisumik immikkut ittumik pigisanngussapput. Kingornussisup taassumalu katissimasaata aappariit aalajangersagaatigut aalajangersinnaavaat, kingornussat tamakkiisumik immikkut ittumik nammineq pigisaassasut.

Imm. 2. Tulliuttunik pissuteqartumik allanit atorneqarsinnaajunnaartitsineq unitsinneqarpat, imm. 1 assigisaanik atorneqassaaq

1) inuunermi kingornussisussa 25-nik ukioqalerpoq, tak. § 53, imm. 1,

2) § 53, imm. 2 naapertorlugu peqataajunnaarpoq,

3) kingornussat § 56 naapertorlugu iperarneqarput, imaluunniit

4) kingornussat § 57 naapertorlugu akilerneqarput.

Imm. 3. Kingornutassiornikkut imm. 1 aamma 2 avaqqunneqarsinnaapput.

Kapitali 10

Kingornutanut pituttugaanngitsunut kingornutassiornikkut aalajangiineq

Nalilersuinerup kingorna tigusineq

§ 59. Kingornutanut pituttugaanngitsunut § 50, imm. 2 aamma 3 assigisaanik atorneqassapput.

Kingornussisussat tulleriinnilersorneqartarnerat

§ 60. Kingornussassat pituttugaanngitsut kingornutassiornikkut kingornussisussanut tulleriinnilersorneqarsinnaapput, taamaasilluni kingornussassat kingornussisussamut imaluunniit aningaasanik agguassivigineqartussamut siulliutinneqartumut tunniunneqassallutik, kingornalu kingornussisussamut imaluunniit aningaasanik agguassivigineqartussamut aappaattut kingusinnerusukkulluunniit inissimasumut unniunneqassallutik.

Imm. 2. Kingornutassiornikkut kingornutassat aningaasalluunniit agguassassat pituttugaanngitsut kingornutassiisup kingornutassiai inunnut suli inunngorsimannngitsunut pisassanngortinneqarsinnaanngillat.

Kingornutassat pituttugaanngitsut allanit atorneqarsinnaajunnaarsinnerat

§ 61. Kingornutassat pituttugaanngitsut kingornutassiinikkut allanit atorneqarsinnaajunnaarsinneqarsinnaapput, kingornussisutsisussa isumaqarpat tamanna kingornussisussamut pitsaanerpaasoq. § 53, imm. 2,

aamma §§ 54-58 assigisaanik atorineqassapput. § 54, § 55, imm. 1, pkt. 2., aamma imm. 2, kiisalu § 57 kingornutassiinikkut avaqqunneqarsinnaapput.

Kapitali 11

Kingornutassiinermik pilersitsineq aamma utertitsineq

Kingornutassallip ukiui

§ 62. Kinaluunniit 18-inik ukioqalereersimasoq, imaluunniit katissimasoq, kingornutassiinermigut pigisani atorsinnaavai, taamaattoq tak. jf. §§ 5, 10 aamma 11.

Imm. 2. Kinaluunniit 15-inik ukioqalereersimasoq, taamaattoq tak. §§ 5, 10 aamma 11, kingornutassiinermigut pigisaminik atuisinnaavowq, pineqartup nammineq aalajangiisinnaanermut inatsimmi §§ 37 aamma 38 naapertorlugit nammineq atorsinnaasaanik.

Kingornutassiaq atsiornernik uppersaasartumit atsiugaq

§ 63. Kingornutassiaq allakkatigut pilersinneqarsinnaavoq, atsiornernillu uppersaasartumit atsiorneqarluni imaluunniit uppersarneqarluni.

Imm. 2. Atsiornernik uppersaasartup kingornutassiamut atsiornermigut nalunaarutigissavai

- 1) kingornutassiiisup kinaassusaa,
- 2) kingornutassiiisooq kingornutassiinermigut silatussutsikkut naammattunik piginnaasaqarnersoq,
- 3) atsiornernik uppersaasartup nalaani inuit kikkut najuussimanersut, aamma
- 4) kingornutassiap atorsinnaassusianut pissutsinik allanik pingaaruteqartoqarsinnaanersoq.

Imm. 3. Atsiornernik uppersaasartup sulinera, kingornutassiap assilinerata toqqortarineqarnissaa, ingornutassiap Kingornutassiat Qitiusumik Nalunaarsorneqartarfiannut nalunaaruteqarnissaaq kiisalu kingornutassiat pilersinneqarsimasut pillugit paasissutissanik pissarsisinnaaneq pillugit justitsministeri maleruagassanik aalajangersaassaaq.

Ilisimannittoqarluni kingornutassiat

§ 64. Kingornutassiaq allaganngorlugu pilersinneqarsinnaavoq ilisimannittunillu marlunnit najuuttunit peqatigisaanik atsiorneqassalluni imaluunniit uppersarneqarluni, taakku kingornutassiiisup atsiorniaritooq ingerlaannaq kingornutassiamut atiminnik atsiussapput. Kingornutassiorup

kissaateqarneratigut ilisimannittut kingornutassiamut ilisimannittutut naju-
utissapput, aamma kingornutassiamik pilersitsinermut uppersaasuuner-
tik ilisimasaqarfigissavaat.

Imm. 2. Ilisimannittut 18-inik ukioqalereersimassapput, pissutsillu § 74-
imi taaneqartut pissutigalugit ilisimannittut uppersaanerup pingaarutaa
paasisinnaassallugu.

Imm. 3. Inuk kingornutassiamut ilisimannittuusinnaangilaq, imaappat
1) kingornutassiaq pineqartumik, imaluunniit taassuma katissimasaanik,
inooqataanik, ilaqutaanik, imaluunniit qummut ammullu ningaavanik
ukuaanik allatigulluunniit qanigisaanik iluaqusiippat,

2) kingornutassiaq inummik suliffeqarfimmilluunniit, pineqartup kingornu-
tassiap pilersinneqarnerani ima attuumassuteqarfigisaa iluaquserneqarpat,
kingornutassiamut ilisimannittup iluaqusiineq immikkut soqutigisaqarfi-
gisimassallugu, imaluunniit

3) tamatuma saniatigut pineqartup suliamut akuusinnaaneranut pissutsinik
qulalersitsisinik atuuttuqarnerpat.

Imm. 4. Inuk kingornutassianut ilisimannittuusinnaavoq, naak pineqartoq
pigisanut aqutsisutut inissinneqarsimagaluartoq.

Imm. 5. Ilisimannittut kingornutassiami allagartaliinerminni tulliuttunik
nalunaaruteqartariaqarput

1) atorfitsik najugaqarfitsillu pillugit,

2) kingornutassiamut atsiornerminni piffissaq sumiiffillu pillugit,

3) kingornutassiortup atsiuinerani imaluunniit kingornutassiamik akuersi-
nerani kingornutassiisuup kissaatigisaa malillugu atsiuinerup nalaani
peqatigisaanik najuussimanerlutik,

4) kingornutassiisoq silassorissutsikkut kingornutassiornissamut pigin-
naasaqarnersoq, aamma

5) pissutsit allat kingornutassiap atorsinnaassusianut pingaaruteqarsinnaa-
nersut.

Ajornartoormi kingornutassiaq

§ 65. Kinaluunniit napparsimanini imaluunniit allatigut ajornartoornini
pissutigalugu § 63 aamma § 64 malillugit kingornutassiorsinnaangitsoq,
qanorluunniit iliorluni ajornartoormi kingornutassiamik pilersitsisin-
naavoq.

Imm. 2. Ajornartoormi kingornutassiaq qaammatini pingasuni § 63
aamma § 64 malillugit kingornutassiamik pilersitsinissamut ajornaqu-
tissaqarsimatinnagu atorunnaassaaq.

Pigisanik il.il. nalinginnaasunik agguassineq

§ 66. Kikkut pigisanik inuttullu pigisanik nalinginnaasunik kingornussisussaanerannik kingornutassiakkut aalajangersaaneq kingornutassaqartitsisumit allakkatigut pilersinneqarsinnaavoq, nalunaarut ulluligaq atsiorneqartorlu atorineqassalluni.

Imm. 2. Kinaluunniit kingornussisussaareersoq, imm. 1 malillugu iluaquserneqartutut isigineqartoq, kingornussassami iluani pigisat pineqartut nalilerneqarnerisut naleqartillugit tigusinissamut salliutinneqassaaq, kingornussassani aalajangersakkat malillugit allatut aalajangiisoqarsimangippat.

Kingornussassaliamik utertitsineq

§ 67. Kingornussassiamik utertitsineq allanngortitsinerluunniit kingornussassiamik pilersitsineq pillugu maleruagassat naapertorlugit pissaaq.

Imm. 2. § 49-mi pineqartut pineqartillugit, kingornussassaliaq katissimasap aappaata katissimasaminut iluaqutissatut pilersissimasaa utertinneqarsimasutut isigineqassaaq, pissutsit immikkut ittut taamaatariqartinnngippassuk.

Imm. 3. Inooqatigiinneq katissimanermut assingusoq isumaqatigiinnginerit pissutigalugit unitsinneqarpat, kingornussassaliaq, ilanngullugu § 87 malillugu kingornussassaliaq, inooqatigisap inooqatiminut iluaqutissatut pilersissimasaa, utertinneqarsimasutut isigineqassaaq, pissutsit immikkut ittut taamaattariqartinnngippassuk.

Utertitsisinnaangissuseq

§ 68. Kingornussassaqartitsisoq pisussaaffilersinnaavoq kingornussassaliamik pilersitsinnnginnissamut imaluunniit utertitsinnnginnissamut.

Imm. 2. Nalunaarut kingornussassaliamik pilersitsineq pillugu maleruagassat malillugit tunniunniunneqassaaq. Kingornussassaqartitsisoq nammineerluni aalajangiisinnaangippat, angajoqqaatut oqartussap aamma Kalaallit Nunaanni Naalagaaffiup Sinniisuata akuersinissaa piumasaqaataavoq.

Kapitali 12

Kingornussassaliap atorsinnaangissusia isorineqarsinnaassusialu

§ 69. Kingornussassaliaq atorsinnaangilaq kingornussassaqartitsisoq pilersitsinermini § 62-imi piumasaqaatit eqqortissimangippagit, imaluunniit kingornussassaliap § 63, imm. 1-imi, § 64, imm. 1-3-mi imaluunniit § 66-imi piumasaqaatit eqqortissimangippagit.

§ 70. Atsiornernik uppernarsaasartup kingornussassaliamut § 63 malillugu pilersinneqartumut atsiornera pissutsinut atsiornermut ilaasunut uppernarsaatitut isigineqassaaq, pissutsit immikkut ittut pissutigalugit atsiornerep eqqortuunera qularutigissallugu tunngavissaqanngippat.

§ 71. Kingornutassiaq § 64 malillugu pilersinneqartoq akerlilerneqarpat, inuup kingornutassiamik eqqortuuneraatitsisup uppernarsassavaa kingornutassiaq eqqortumik pilersinneqarsimasoq.

Imm. 2. Kingornutassiamut ilisimannittoqarfiusumut kingornutassiamut ilisimannittut atsiornerat pissutsit § 64, imm. 1-imi taaneqartunut uppernarsaatitut isigineqassapput, pissutsit immikkut ittut atsiornerep eqqortuunera qularutiginissaannut tunngavissiiinngipata.

§ 72. Kingornutassiaq § 65 malillugu pilersinneqartoq atorsinnaanngilaq, imaappat

1) kingornutassiaq kingornutassaqartitsisup aalajangerneranik taassumangalu pilersinneqarsimaneranik isiginnissalluni qularutigineqarsinnaappat, imaluunniit

2) kingornutassaqartitsisoq kingornutassiamik pilersitsinissamut silatussutsikkut piginnaasaqarsimanngitsoq isumaqartoqarpat.

§ 73. En testamentarisk disposition efter § 66 malillugu kingornutassanik atugassiineq atorsinnaavoq, atorsinnaassananili kingornutassaqartitsisumit pilersinneqarsimanagera qularutigineqarsinnaappat, imaluunniit kingornutassaqartitsisoq silatussusissaminik silaqarluni pigisanik pineqartunik agguassisinnaasimannngippat.

§ 74. Kingornussassaliortoq taassuma pilersinneqarnerani tarnikkut nappaateqarsimappat, ilanngullugu sakkortuumik puigortunngorsimaappat, tarnikkut ineriartornermini kinguarsimasuuppat, qaangikkaminik tarnikkut puullaaqisimappat imaluunniit assigisaanilluunniit atugaqarluni silatusaartumik pigisaminik atuisinnaanani, kingornussassaliaakkut aalajangersagaq atorsinnaassanngilaq.

§ 75. Kingornussassaliatut aalajangersagaq pinngitsaaliilluni, peqquserulluni allatulluunniit pissusissaanngitsumik sunniiniarluni, ilanngullugit kingornutassaqartitsisup nalilersuisinnaannginneranik, sanngiillisimaneranik pingitsuuisinnaannginneraniilluunniit atornerluinikkut pilersinneqarsimasutut isumaqarfigineqarpat atorsinnaanngilaq.

§ 76. Kingornussassaliatut aalajangersagaq, kukkusumik allassimasoqarnera imaluunniit allatigut kukkusoqarsimanagera pissutigalugu siunniussaasumit allaanerumik imaqalersimasoq, eqqortumik isumaasut malillugit sapinngisamik piviusunngortinniarneqassaaq. Tamanna aalajangersimasumik paasineqarsinnaanngippat, kingornussassaliatut aalajangersagaq atorsinnaanngilaq.

§ 77. Kingornussassaliatut aalajangersagaq atorsinnaanngilaq. imaappat
1) kingornussassaqtitsisoq pilersitsinermini pissutsit aalajangersakkamut aalajangiisut pillugit paatsiveerusimaarsimappat, imaluunniit
2) pissutsit aalajangersakkamut aalajangiisut pilersitsinerup kingorna imatut allanngorsimappata, kingornussassaqtitsisoq tamatuminnga ilisimasaqartuuguni aalajangersakkamik utertitsisimassagalarpat.

Imm. 2. Taamaattoq imm. 1 apeqqutaatinnagu eqqortumik eqqarsaatit paasineqarsinnaappata, aalajangersagaq taakku malillugit piviusunngortinneqassaaq.

§ 78. Kingornussassanik aalajangersagaq pigisanik atuinissamik imaluunniit suujunnaarsitsinissamik siunniussaartoq, tamannalu erseqqissumik isumatuujunngitsuuppat, atorsinnaanngilaq.

§ 79. Kingornutassap atorsifnaassusianut kinaluunniit kingornutassiap atorsinnaanngissusia nalunaarutigineqarpat kingornutaqarumaarsinnaasoq akerliliisinnaavoq.

Kapitali 13

Ataatsimoorussamik kingornutassiaq

Ataatsimoorussamik kingornutassiakkut atugassiinermik utertitsineq

§ 80. Ataatsimoorussamik kingornutassiakkut atugassiinermik utertitsineq atorsinnaassaguni illuatungaasup aappaanut nalunaarutigineqassaaq, tamanna pissutsit immikkut ittut pissutigalugit ajornavinngippat.

Inuunertunerusup kingornutassiinissamut pisinnaatitaaffia

§ 81. Katissimasut ataatsimoorussamik kingornutassiinikkut atugassiinerminni inuunertunerusup toqukkut qimagunnerani kingornutassat qanoq agguanneqarnissaannik aalajangiisimappata, katissimasap inuunertunerusup

kingornutassiinermigut katissimasap inuunertunerusup toqukkut qimagunneratigut pigisani kingornutassat pituttugaanngitsut qanoq agguanneqarnisssaat aalajangersinnaavaa, taamaattoq tak. imm. 2.

Imm. 2. Katissimasap inuunertunerusup kingornutassiinermigut tulliuuttut atugassiissutigisinnaanngilai

1) kingornutaassat pituttugaanngitsut, ataatsimoorussamik kingornutassiinikkut siulliulluni toqukkfut qimaguttup inuunermini immikkut kingornussisussaanut tuttussat, aamma

2) kingornutassat pituttugaanngitsut affai, ataatsimoorussamik kingornutassiineq naapertorlugu inuunermi ataatsimoorussamik kingornussisussanut tuttussat.

Imm. 3. Ataatsimoorussamik kingornutassiinikkut atugassiineq katissimasap inuunertunerusup kingornutassiinissamut pisinnaatitaaffianik aalajangersakkamik imaqarpat, imm. 1 aamma 2 atorpeqassanngillat.

§ 82. § 81 assigisaanik atorpeqassaaq, tamatumani ataatsimoorussamik kingornutassiineq katissimasat akornanni pinnani allanit pilersinneqarsimappat.

Inuunertunerusup inuugallartilluni atuisinnaatitaanera

§ 83. Katissimasut ataatsimoorussamik kingornutassiornermikkut inuunertunerusup toqukkut qimagunneratigut kingornussassat qanoq agguanneqarnisssaat aalajangersimappassuk, tamannalu inuunertunerusup utertissinnaanagu, inuunertunerusup tulliuuttunik iliuuseqarnermigut avaqussinnaanngilaa

1) aningaasaatinut atsikkutigiinngitsumik nalilinnik tunissuteqarluni imaluunniit kingornussassamik siumoortitsilluni, imaluunniit

2) inuunermut sillimmasiinermt assigisaanilluunniit aaqqissuussinermut aningaasat aningaasaatinut atsikkutigiinngitsumik annertussusillit atorlugit pilersitaasumut salliutitamik pilersitsilluni.

Imm. 2. Inuunertunerusoq imm. 1, nr. 1 unioqqutillugu atuisimappat, siulliulluni toqukkut qimaguttup kingornussisussaata taamatut atuisimaneq uterteqqullugu piunasaqaatigisinnaavaa, tiguisup tamanna ilisimasimappagu imaluunniit ilisimasariaqarsimagaluarpagu.

Imm. 3. Inuunermut sillimmasiissut assigisaanilluunniit aaqqissuussineq imm. 1, nr. 2-mut ilaasoq salliutitamut akilerneqarpat imm. 2 assigisaanik atorpeqassaaq.

Imm. 4. Katissimasap inuunertunerusup toqukkut qimagunnerani imm. 2 aamma 3 atorneqassanngillat, kingornussisussap pineqartup kingornussisinnissamut pisinnaatitaaffini matusserneqartissinnaappagu, pineqartumut pigisanit tigumiaannakkanit akiliuteqartitsinikkut, tak. § 85.

Imm. 5. Imm. 2-4 atorneqassanngillat, tamanna kingornutassiinikkut pisinnaatitaanngippat.

§ 84. § 83 malillugu atorunnaarsitsinissamik suliaq Kalaallit Nunaanni Eqqartuussivimmuut suliaassiissutigineqassaaq. Kalaallit Nunaanni Eqqartuussivik eqqartuussuteqarnermigut suliamik aalajangiisuussaaq.

Imm. 2. § 83, imm. 2 malillugu suliaq, tunissummik imaluunniit kingornutassanik siumoortumik pissarsisoqarsimaneranik kingornutassallip ilisimasaqalersimaneraniit imaluunniit ilisimasaqalersimasariaqarneraniit ukioq ataaseq qaangiutsinnagu suliakkiissutigineqassaaq.

Imm. 3. § 83, imm. 3 malillugu suliaq kingornussisussap akiliisoqarsimaneranik ilisimasaqalersimaneraniit imaluunniit ilisimasaqalersimasariaqarneraniit ukioq ataaseq qaangiutsinnagu suliakkiissutigineqassaaq.

§ 85. Katissimasaq inuunertunerusoq kingornussisussamut salliutin-neqartumut § 83-imi taaneqartunik atuinermigut aningaasaatiminik anner-tuumik annikillisisimappat, pigisat nalunaarsorlugillu agguaanneranni pigisat tigumiaannarneqartut pillugit akilerneqarnissani piumasagaatigisin-naavaa.

Imm. 2. Imm. 1 atorneqassanngilaq, tamanna kingornutassiinikkut pisin-naatitaanngippat.

§ 86. §§ 83-85 assigisaanik atorneqassapput, ataatsimoorussamik kingornutassiineq katissimasunit pinnani allanit pilersinneqarsimappat.

Inooqatigiit annertusisamik kingornutassiinerat

§ 87. Inuit marluk kingornutassiinikkut aalajangersinnaavaat imminnut tamakkiisumik ilaannakortumilluunniit kingornussiffiginiarlutik, imaluun-niit katissimasutut ilillutik kingornussiffiginiarlutik.

Imm. 2. Imm. 1 malillugu kingornutassiami aalajangerneqarsinnaanngilaq ataatsimoorussamik pigisat pillugit kingornutassat pillugit inatsimmi ma-leruagassat, ilanngullugit pigisat nikisinnagit pigiinnarneqartut pillugit ma-leruagassat atorneqassasut.

Imm. 3. Imm. 1 malillugu kingornutassiap kingunerissanngilaa indebærer ikke, at § 10-p atorneqarnissaa.

§ 88. § 87 malillugu kingornutassiissut taamaallaat atorsinnaavoq illuatungeriit pilersitsinermi

1) katinneq avinnerlu pãillugit inatsimmi, kunngip peqqussutaa nr. 307, 14. maj 1993-imeersukkut Kalaallit Nunaannut atuutsinneqalersumi, kingullermillu kunngip peqqussutaa nr. 321, 26. april 1996-imeersukkut allanngortinneqartumi § 5, § 8 aamma § 9-mi piumasagaatinik eqqortitsisimappata, aamma

2) § 87 malillugu kingornutassiorsimangippata, taanna malillugu inooqat alla kingornussinissamut pisinnaatitaaffeqarluni.

Imm. 2. § 87 malillugu kingornutassiaq aamma taamaallaat atorsinnaavoq, piffissami inooqatip siulliulluni toqukkut qimaguttup toqukkut qimagunnerani illuatungeriit ataatsimoorussamik najugaqarfimmini inooqatigiippata, aamma

1) marluullutik angajoqqaajullutik meerartaartussaagaluarput, ataatsimoorussaminnik meeraqarsimapput imaluunniit meeraqarsimagaluarlutik, imaluunniit

2) ukiuni kingullerni marlunni katissimasunut assingusumik ataatsimoorussamik najukkaminni inooqatigiissimapput.

Imm. 3. Ataatsimoorussamik najugaqarnek unittutut isigineqarneq ajorpoq, najukkami allami utaqqiisaasumik najugaqarnermi imaluunniit paaqqinniffimmi najugaqarallarnermi.

§ 89. Kingornutassiami § 87 malillugu aalajangersakkat atorunnaassapput, illuatungeriit imminnut katippata imaluunniit illuatungaasut aappaat allamut katippat.

Kapitali 14

Nalilersuinerup kingorna tigusinissaq pillugu katissimasut kingornutassiinikkut aalajangersagaat

§ 90. Katissimasap kingornutassiinikkut pigisat ataasiakkaat tamakkiisumik nammineq immikkut ittumik pigisani immiut atugassiarisinnaavai.

§ 91. Katissimasap pigisani ataatsimoorussamik pigisaasuni naliliutinik qimataqartoq, kingornutassiinermigit pigisat immiut pigineqartut immiut atugassiissutigisinnavai, aamma ataatsimoorussamik pigisat ilaasa iluanni annertussuseqarpata, katissimasap toqukkut qimagunneratigut immiut kingornutassaappata.

Imm. 2. Taamaattoq katissimasap katissimasami akuersissuteqarneratigut tulluuttunik kingornutassiisinnavooq

- 1) pigisat aalaakkaasut imaluunniit piginneqatigiilluni inissiaq, ilaqtariit najugaattut atorneqartoq, imaluunniit katissimasut imaluunniit katissimasut aappaata inuussutissarsiutitut suliffeqarfiata angerlarsimaffigisaa,
- 2) ataatsimoorussamik angerlarsimaffigisami pigisat,
- 3) katissimasap aappaata sulinermini sakkui imaluunniit
- 4) angallassissut motoorilik, katissimasap aappaanit atorneqarsimasoq.

Kapitali 15

Tulleriinnilersuinermik allanngartitsineq

§ 92. Kingornutassiisup kingornutassalik kingornussaminik aalajangersimasunut atuisussanngorlugu pisussaaffilersimappagu, imaluunniit kingornussaminik atuinissamut killilersorsimappagu, justitsministerip imaluunniit justitsministerip tamatumunnga piginnaatitaata pissutsit immikkut ittut taamaattariaqartippassuk kingornutassiinikkut tamatuminnga aalajangersakkat allanngartinneqarnissaat akuersissutigisinnaavaat.

Imm. 2. Imm. 1 malillugu aalajangiisoqartillugu pingaartumik kingornutassiinerup siunertaa qanorlu ittuunera, kingornutassiinerullu pilersinnerarneraniit pissutsit allanngartut, aalajangersakkap piviusunngortinneqarsinnaassusia naapertuuttuuneralu kiisalu kingornussisup mianerineqarnissaa pingaartinneqartassapput.

Imm. 3. Aalajangersakkap imm. 1-imi taaneqartup malinneqarneranik kingornutassaqaqtitsisoq nakkutilliisumik ivertitsisimappat, taanna akuersiteqqaartinnagu allannguisoqarsinnaanngilaq, pissutsit immikkut ittut taamaattariaqartippassuk aatsaat taamatut iliortoqarsinnaalluni.

Kapitali 16

Toqunermi tunissutit il.il.

§ 93. Kingornutassiineq pillugu maleruagassat tunissutinut assigisaanik atorneqassapput, imaappat

- 1) tunniussisoq inuugallartillugu tunniunneqarpata, kisianni tunniussisup toqukkut qimagutereerneratigut aatsaat piviusunngortinneqarnissaat aalajangigaalluni, aamma
- 2) tunniussisup toqukkut qimagunnera sioqqutitsiarlugu tunniussaallutik piffissami toqukkut qimagunnissaq piartortutut isigineqarluni, aamma tunniussisup tamanna ilisimallugu.

Imm. 2. Imm. 1, nr. 2 atuutinngilaq tunissutinut nalinginnaasunut.

Kapitali 17

Inuunertunerunissamut piunasaqaat

§ 94. Kingornutassiami allamik aalajangiisoqarsimangippat, kingortutassaqtitsisup toqkkut qimagunnerani suli inuusoq, imaluunniit tamanna sioqqullugu naartunngoreersimasoq kingornalu uumalluni inunngortoq kingornussinissamat pisinnaatitaaffeqarpoq.

Imm. 2. Inuit marluk imminnut kingornussiffiginissamat pisinnaataaffeqartut toqkkut qimagussimappata, kinalu siulliulluni toqkkut qimagussimanersoq ilisimaneqarnerani, arlaata aapparminit inuunertunerusimanissaanik isiginnittoqassanngilaq.

Kapitali 18

Kingornutassat naalagaaffimmut nakkartinneqartussat

§ 95. Inatsit malillugu kingornussisussaqaqngippat imaluunniit kingornutassisoqarsimanani, toqkkut qimaguttup aningaasaatai naalagaaffimmut nakkartinneqassapput.

Imm. 2. Kingornutassat naalagaaffimmut nakkartinneqarpata, justitsministerip imaluunniit justitsministerip tamatumunnga piginnaatitaata qinnuigineqarnermigut aalajangersinnaavaa kingornutassat kingornutassiami assuarineqarsinnaasumi aalajangersakkat malillugit agguanneqassasut, kingornutassat toqkkut qimaguttup kingullertut kissaatigisaatut takussutissaasutut isumaqarfigineqarsinnaappata.

Imm. 3. Kingornutassat naalagaaffimmut nakkartinneqarpata, pissutsillu immikkut taamatut ittariaqartippassuk, justitsministerip imaluunniit justitsministerip tamatumunnga piginnaatitaata qinnuigineqarnermigut ilanngullugu aalajangersinnaavaa kingornutassat tamakkiisumik ilaannarkortumilluunniit ukununnga tutsinneqassasut

- 1) toqkkut qimaguttup inooqataanut,
- 2) inuit toqkkut qimaguttumi meerarsiatut imaluunniit paaqqutarisatut peroriartorsimasut,
- 3) inuit toqkkut qimaguttoq peqatigalugu paaqqutarisatut imaluunniit qatanngutisiatut peroriartorsimasut,
- 4) toqkkut qimaguttup ilaqutaanut, naliliutit tamakkiisumik ilaannarkortumilluunniit ataatsimoorussamik ilaqutaasumit pinngorfeqarpata, imaluunniit
- 5) inuit allat suliffeqarfiilluunniit, toqkkut qimaguttup qanimut attuumassuteqarfigisaanut.

Imm. 4. Kingornutassat naalagaaffimmut nakkartinneqartut Udbetaling Danmarkip allaffissornikkut aqussavai.

Imm. 5. Naalagaaffik kingornussisussaatiillugu, pigisat aqunneqarnissaanut justitsministeri maleruagassanik aalajangersaassaaq.

§ 96. § 95, imm. 2 aamma 3 malillugit aalajangiinerit aalajangiinermiit qaammatit pingasut qaangiutsinnagit Kalaallit Nunaanni Eqqartuussivimmut suliassiissutigineqarsinnaapput.

Imm. 2. Kalaallit Nunaanni Eqqartuussivik eqqartuussuteqarnermigut aalajangiissaaq.

Imm. 3. (Kalaallit Nunaannut atuutilersinneqassanngilaq).

Kapitali 19

Nalimmassaanermut aalajangersakkat

§ 97. § 5, imm. 2, aamma § 11, imm. 2-mi aningaasanut killiliussat ukiumoortumik ulloq 1. januar 2,0 procentimik ilallugit ilanngarlugilluunniit nalimmassarneqartassapput, ukiumi naatsorsuiffiusumi pineqartumi nalimmassaanermut kvofitienti apeqqutaatillugu, tak. satsreguleringsprocenti pillugu inatsit. Nalimmassaaneq piffissami nalimmassaaffiusumi akunnaal-lisaaneq sioqqullugu aningaasanut killiliussaq atuuttoq tunngavigalugu pissaq. Aningaasat nalimmassakkat koruuninut ilivitsunut qaninnerpaanut 10.000-inik agguarneqarsinnaasunut qummut akunnaallisarneqassapput.

Imm. 2. Nalimmassaanerit justitsministerip ukiumoortumik nalunaarutigi-sassavai.

Kapitali 20

Allamiut inatsisaannut pissutsit

§ 98. Kingornutassat pillugit danskit allamiullu inatsisaanni malerugas-sani assigiinngissutaat pillugit danskit naalakkersuisui naalagaaffinnik isumaqatigiissuteqarsinnaapput. Isumaqatigiissutit taakku Kalaallit Nunaannut atuutissapput, maleruagassat atuuttut malillugit nalunaarummik saqqummi-ussereernikkut.

Imm. 2. Aammattaaq kingornutassat pillugit danskit nunallu avannarliit maleruagassaasa akornanni pissutsit pillugit justitsministeri maleruagassa-nik aalajangersaasinnaavoq.

Kapitali 21

Atuutilerfia aamma ikaarsaariarnermi maleruagassat

§ 99. Peqqussut ulloq den [indsæt] atuutilissaaq.

Imm. 2. Peqqussutip atuutilernerata kingorna kingornutassaqaqtitsisup to-kukkut qimagunnerani peqqussut atorneqassaaq, § 102-p kinguneranik al-

latut iliortoqassanngippat. Peqqussutip atuutilertera sioqqullugu kingornutassaqtitsisoq toqukkut qimagussimappat, maleruagassat maannamut atuuttut atorreqassapput § 103-p kinguneranik allatut iliortoqassanngippat.

§ 100. (Kalaallit Nunaannut atuutilersinneqassanngilaq).

§ 101. (Kalaallit Nunaannut atuutilersinneqassanngilaq).

§ 102. Kingornutassiiinerit kingornussinissamullu inatsisitigut iliuitsit allat, kiisalu taakkunannga atorunnaarsitsinerit, suliamut akuusinnaaneq ilusaallu eqqarsaatigalugit inatsimmi piumasaqaatinik eqqortitsinngitsut, inatsisip atuutilertera sioqqullugu maleruagassallu pilersinneqarnermik imaluunniit atorunnaarsinneqarnermik nalaani atuuttut malillugit pilersinneqarsimagunik atorsinnaapput.

Imm. 2. (Kalaallit Nunaannut atuutilersinneqassanngilaq).

Imm. 3. (Kalaallit Nunaannut atuutilersinneqassanngilaq).

§ 103. Katissimasap inuunertunerusup siulliulluni toqukkut qimaguttoq kingornussat pillugit inatsimmi maannamut atuuttumi § 6, imm. 2 malillugu kingornussiffigisimappagu, § 15 aamma atorreqassaaq.

Imm. 2. Aamma pigisanut nikisinnagit pigiinnarneqartunut, inatsit atuutilersinnagu kingornussassaqtitsisoq inatsit atuutilersinnagu kisianni kingornussassaqtitsissoq Kitaani najugaqarsimappat 1. juli 1964 sioqqunnagu toqukkut qimagussimappat aamma kingornussassaqtitsisoq Avannaani imaluunniit Tunumi najugaqarsimappat 1. marts 1966 sioqqunnagu toqukkut qimagussimappat, §§ 24-29 aamma §§ 33-34 atorreqassapput. Taamaattoq atugassanngortitsineq tunuartinneqarsinnaasoq inatsisip atuutilernerata kingorna iliuuserineqarsimappat §§ 30-32 taamaallaat atorreqarsinnaapput.

Imm. 3. § 56, nr. 3 malillugu kingornutassanik pituttugaasunik iperaaneq, aamma pisinnaavoq kingornutassaqtitsisoq inatsisip atuutilertera sioqqullugu toqukkut qimagussimappat.

Imm. 4. Atugassiissutitut inatsisip atuutilernerata kingorna iliuuserineqartunut, siulliulluni toqukkut qimaguttup inatsisip atuutilernerata kingorna toqukkut qimagunnera apeqqutaatinnagu § 83 atorreqassaaq.

Imm. 5. Kingornutassaqtitsisoq inatsisip atuutilertera sioqqullugu toqukkut qimagussimagaluarpalluunniit § 92 aamma atorreqassaaq.

§ 104. Peqqussutip atuutilernerani kingornussineq pillugu Kalaallit Nunaannut inatsit atorunnaarsinneqassaaq, tak. inatsit nr. 154, 27. maj 1964-imeersoq, taamaattoq tak. imm. 2.

Imm. 2. Taamaattoq kingornussineq pillugu Kalaallit Nunaannut inatsimmi § 42, imm. 2 atuutiinnassaaq, tak. inatsit nr. 154, 27. maj 1964-imeersoq.

§ 105. (Kalaallit Nunaannut atuutilersinneqassanngilaq).

§ 106. Nalunaarutit inatsit naapertorlugu atuutilersinneqarnikut Kalaallit Nunaanni atuutilersinneqassanngillat

ⁱ Aalajangersagaq imatut oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisianni kunngip peqqussutaatigut taakkunani nunap immikkoortuinut atuutilersinneqarsinnaavoq, Savalimmiuni Kalaallit Nunaannilu pissutsit immikkut ittut pisariaqartitaannik allannguutitalerlugu.«

ⁱⁱ Aalajangersagaq imatut oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisianni § 3 kunngip peqqussutaatigut taakkunani nunap immikkoortuinut atuutilersinneqarsinnaavoq, Savalimmiuni Kalaallit Nunaannilu pissutsit immikkut ittut pisariaqartitaannik allannguutitalerlugu.«

ⁱⁱⁱ Aalajangersagaq imatut oqaasertaqarpoq: »*Imm. 2.* §§ 1-3 aamma 5 kunngip peqqussutaatigut Savalimmiunut Kalaallit Nunaannullu atuutilersinneqarsinnaapput, Savalimmiuni Kalaallit Nunaannilu pissutsit pisariaqartitaannik allannguutitalerlugit.«

^{iv} Aalajangersagaq imatut oqaasertaqarpoq: »*Imm. 2.* Inatsimmi §§ 1-4 aamma 7 kunngip peqqussutaatigut Savalimmiunut Kalaallit Nunaannullu tamakkiisumik ilaannakortumilluunniit atuutilersinneqarsinnaapput, Savalimmiuni Kalaallit Nunaannilu pissutsit pisariaqartitaannik allannguutitalerlugit.«

^v Aalajangersagaq imatut oqaasertaqarpoq: »*Imm. 3.* Inatsimmi §§ 21, 23 aamma 41 kunngip peqqussutaatigut Kalaallit Nunaannut tamakkiisumik ilaannakortumilluunniit Kalaallit Nunaannut atuutilersinneqarsinnaavoq, Kalaallit Nunaanni pissutsit pisariaqartitaannik allannguutitalerlugu.«